



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

The image shows the front cover of an old book. The cover is decorated with a traditional marbled paper pattern, featuring a dense network of red veins and circular, cell-like motifs in shades of grey and black. To the left, the book's spine is visible, bound in a dark, textured material, possibly leather or cloth. A small, rectangular white paper label is affixed to the lower-left portion of the cover, containing two lines of handwritten text in black ink. The overall appearance is that of a well-used, antique volume.

891.99

R-94



812 6 NOV 2011

Հրատարակութիւն ԽԱՉԱՏՈՒՐ ՕՋԱՆԵԱՆՑԻ

891.99

թ-94



ՈՒՍԱՆՈՂՈՒՇԻ

ՆԵՐԿԱՅ ԿԵԱՆՔԻՑ


2200

ՀԱՅԱՍՏԱՆԻ ԿՈՄՄՈՒՆԻՍՏԱԿԱՆ ԿՈՆԿՐԵՏ

ՍԶԽԱՍՏԱՍԻՐԵԿ

ՉՅՐՅՆՄԱԹ ՂԱԶԱՐԵԱՆ ԹՈՒՄԱՑԵԱՆՑԸ

~~16259~~



Բ Ա Գ Ո Ւ

Տպարան Եղբ. Ղազարեանների

1904.

19 APR 1913

31924

2410

0072

10-100

ՀԱՅԿԱՍՏԱՆԻ ԿՈՄՍՅՈՒՆԱՐԻ ՊՐԵՍԻ ԱԿՏԻ ՎԵՐԿՆԱԳՐՈՎ

Дозволено Цензурою,
Тифлисъ, 30 декабря 1903 г.



(2783) 1763-200
41

Ե Ր Կ Ո Ւ Խ Օ Ս Ք .

«Ուսանողուհի» վերնագրով փոքրիկ գիրքը, լույս տեսնելով իմ յարգելի ընթերցողը կը կարգայ անշուշտ ու ճիշտ մարդապէս կը հաստատէ, թէ ինչպիսի գերեր են կատարում, հարագատ ու բարոյապէս ուսումնասիրած մայրերը, գէպի իւրեանց փափկասուն և մատաղ ժառանգները: Ինչպէս, որ Եւան մեղանչեց Սատուծոյ առաջ և պատճառ դառաւ ընդհանուր աշխարհի մեղքերին իւր մայրութեան շնորհիւ, նմանապէս և ներկայ մայրերը կը մեղանչեն, իւրեանց զաւակաց գէմ, եթէ մայրը կը թողնէ իւր որդիւրանց անուշադրութեան տակ: Մայրն է, զաւակաց բախտաւոր ապագան:

Հ ե Ղ ի ն ա կ :

ԻՒՐ ԲԱԶՄԱԵՐԱԽՏ

ՀԱՆԳՈՒՅԵԱԼ ՄՕՐԸ

ՄԱՆՈՒՂԱԿ ՅՈՎՀԱՆՆԷՍԵԱՆ

ԹՈՒՄԱՅԵԱՆ ՑԻ

ԱՆՄՕՒԱՆԱԼԻ ՅԻՇԱՏԱԿԻՆ

ՆՈՒԻՐՈՒՄ Է

Հ Ե Ղ Ի Ն Ա Կ Ը :

ՀԱՅԿԱՍՏԱՆԻ ԳԳԻ

ԳԳՈՍ ԼՅՅՑԻՈՒՅՆԸ

ՄԱՍԿՅՈՒՆԻ ԲՈՅՈՒՆՍ

ԿՑԿԱԿՑԱՍԻՈՂ

ԴՊՄԱՅԻՆ ԳՄԱՍՈՍՍԱ

Կ ՄԻՈՂՈՒՆ

Գ յ ա մ ղ ր մ ճ

ՈՒՍԱՆՈՂՈՒՀԻ

Սրբւր լիութիւնք ինչ բարձրացել էր երկնականամարի վերայ: Գիշերուայ մեռելային լռութիւնից ազատուել էր բնութիւնը: Նա նորից կենդանացել էր, նորից ոյժ էր ստացել, նոր հոգի առել ու ոտքի կանգնել: Սմեն տեղ շարժուում էին, ամեն կողմից լուում էին, ձայներ: Մարդիկ արթնացել էին գիշերուայ խոր քնից, և վրազ վրազ շտապում էին իւրեանց գործերին: Օրը բաւականի սքանչելի էր: Քաղաքի լայն մայրերի վրայով անց ու դարձ անողները, անհաշիւ ու անհամար էին: Փողոցներում երևում էին ուսանող աշակերտներ և աշակերտուհիներ, որոնք իւրենց դասագիրքներով զնուում էին զպրոց դէպի ուսումնարան, որտեղ սպասում է աշխատասեր ուսանողին սովորեցնել խելք գիտութիւն, ջանասիրութիւն, առաքինու-

Թիւն և վարք ու համեստութիւն: Ուսանողներէց, որը այդ օրը քաջ պէտք էր պատասխանէր իւր ուսուցիչներին, կամ սովորել էր վարժ դասերը, գնում էր նա արագ քայլերով գլուխը բարձր բռնած ինչպէս մի հսկայ, կամ ինչպէս աշխատասեր մօտենալով իւր սուրբ աշխատանքին: Իսկ այն ուսանողը, որը դասերը չէր պատրաստել քայլում էր տխուր, գլխակոյր և զանազան մտքերի մէջ ընկղմուած, երեւակայելով ուսուցիչների նախատինքները թոյլ թուանշանների հետ, որոնք այդ օրը պետքէ ստանաին: Ահա, այդպէս գնում էին աշխատասերները և ծօյլերը իւրեանց աշխատատները:

Քաղաքի բարձրի կողմից գնում էր մի աշակերտուհի գեպի ուսումնարան: Նա իւր գլուխը գետնին էր խոնարհել և դասագրքերով երեսի կէսը ծածկել: Անկասկած կարելի էր գուշակել թէ այդ ուսանողուհին դասերը չէր սովորել, կամ թէ մի տանջեցնող ցաւի վերայ էր մտա-

ծում: Գնում էր առաջ, բայց նորա քայլերը ստէպ առ ստէպ քանդազանում էին և գլուխը աւելի ու աւելի կորվում դէպի գետինը:

Թշուառ օրիորդը, իւր մտքում ընկղմուած սկսեց խօսալ ինքը իրեն, մի խոր հոգոց հանելով սրտի խորքերից:

— Աստուած իմ, մինչև երբ, ես պետքէ ուսումնարանում ամօթով մնամ, մինչև երբ ես իմ դասերս չ'պատրաստած ուսումնարան պէտքէ գնամ ու ամենայն օր դասերիցս թոյլ թուանշաններ ստանամ: Ամբողջ օրերով նստած պատրաստում եմ դպրոցական պատուերները բայց այնուամենայնիւ ոչինչ չունիմ սովորած: Ի՞նչ է դորա պատճառը արդեօք: Ի՞նչու, ես պետքէ դասերս վաղարօք պաղրաստեմ, իսկ նախնիքաց օրը ոչինչ չ'կարողանամ պատասխանել իմ ուսուցիչներին, և ես մնամ նրանց առաջը ամօթով: Այդ ես չեմ հասկանում: Երեւում է, որ գլխաւորապէս թուլութիւն-

ներս, խելքիս ու մտքիս խանգարմունքն են պատճառը: Այո, ես այդ դեռ նոր եմ հասկանում, որ ինձ ծով աշակերտուհի դարձնողը իմ սեփական անուշադրութիւնն է: Որովհետեւ, երբ վերցնում եմ դաս պատրաստելու, գրքիս տառերի փոխարէնը նորա գրաւիչ աչքերն են երեւում, առնում եմ, որ գրեմ ինձ պատուիրուած գրութիւններս, նրա հրեշտակային պատկերն է ներկայանում իմ առաջ. և այդպիսով կորցնում եմ բոլոր ուշադրութիւններս: Խլում է ինձնից, այդ գրաւիչ պատկերը իմ վերջին ոյժերը, և ես մնում եմ առանց կամքի և դրանով թուլանում եմ ամէն գործի դէմ: Աստուած իմ, չափազանց դժուար է այն ուսանողի համար, որը սիրահարուած է: Նա մնում է մոլորուած, շուարուած և մինչև անգամ խելագարի նման ցնորուած Ինչպէս ահա և ես: Իմ ալրի մայրս ստիպում է ինձ ուսումնարան գնալ. բայց նա չի հասկանում, որ այսուհետեւ ես

ուսումնարանից ոչինչ օգուտներ չունիմ բացի վնասներից: Ի հարկէ, իմ մայրս ցանկանում է, որ ես կրթութեամբ ուսմագետ՝ աղջիկ դառնամ, բայց այն խեղճ կինը չ'գիտէ թէ, ոչ ուսում, ոչ ապագայ և ոչ ծնողական պատիւներ չեն հասկանում սիրահարուած ուսանողները: Նորանք բաւականի հարմարութիւններ ունին իւրեանց ուղածները կատարելու: Անկասկած, որ միշտ կարող են տեսնուել, իրարուհետ խօսալ ու աւելի ու աւելի սէրը վառելով ու ամրացնել իւրեանց մէջ: Օրինակ ես վերցնում եմ գիրքերս գնում եմ ուսումնարան պարապելու, երբ երբեմնապէս պատահում է նա ինձ, մենք հարմարութեանը նայած քաշվում ենք մի հարմար ծածուկ տեղ ու սկսում ենք քնոյր խօսակցութիւններ այնքան երկար, որ կարող եմ ասել թէ, մի քանի ժամեր են տևում: Սակայն, դարձեալ ես չեմ բաւականանում, այլ ցանկանում եմ խօսալ, և նո-

րա գրաւիչ դէմքին նայել, շարունակ առանց մի ըստէ կորցնելու: Վայգալիսի դէպքերում մօռանում եմ ուսում, ուսումնարան և բոլոր գարոցական պատուերներ: Պատահում են ևս օրեր, որ քնաւին ուսումնարանի կողմովն չեմ անցնում և ուսուցիչուհիներին դէմքն անգամ չեմ տեսնում, բայց գալիս եմ տուն իմ սովորական ժամանակին, որ մայրս ոչինչ չ'կասկածէ: Ահա թէ որքան հարմարութիւններ ունի սիրահարուած ուսանողը:

Վտածում էր ուսանողուհին և շարունակում էր իւր ճանապարհ գանդաղ քայլերով: Ուսումնարանը, գտնւում էր քաղաքական այգու բարձրի կողմում իսկ ստորին դռան դէմ գտնվում էր Կ. ծովը: Ծովը այդ օրը բաւականի խաղաղ էր. արևի խնամող ճառագայթները պսպղեցնում էին ծովի պարզ մակերևոյթը, և մի քաղցր առաքինութիւն էին ձգում աշխատող մարդկանց սիրտերը: Երբեքնաւները և մակոյկները հանգիստ

ու անշարժ կանգնած էին ծովի երեսին: Կարծես թէ ամեն իրանց նայողին ասում էին համրական եղանակով. Ո՛վ, աշխատաւորներ աշխատեցէք ջնասիրութեամբ. Աստուած ձեզ համար է ստեղծել այդ բոլոր հրաշալի հարմարութիւնները, օգտուեցէք ժամանակից քանի, որ ոյժ ունիք: Այդ անշունչ առարկաները իրանց համրական արտայայտութիւններով, կարծես թէ վրազեցնում էին ուսանողներին ու մի տեսակ ոգևորութեամբ խրախուսում էին շտապեցէք ո՛վ աշխատասէր ուսանողներ և ուսանողուհիներ, ժամանակն է գարոցի աշխատեցէք լաւ սովորելու, որ քննութեան ժամանակ ամօթով չըմնաք:

Ծովի դէմ լայն փողոցում, ուր վազվազում էին անթիւ կառքեր լեւ ու առաջ, իրանց խլաձայն անիւներով տալիս էին քաղաքին բարձրագոյն հպարտութիւն: Այդ միջոցին առաջ էր վազում դէպի քաղաքական այգին, մի շքեղ

կառք, որի մէջ նստած էր մի սիրուն երիտասարդ. նորա աչքերը ու յօնքերը այնքան սև ու գեղեցկութեամբ էին կարգուած, որ տեսնողը բոլորովին զմայլուէր: Նորա նորաբոյս, սև ու բարակ բեխերը, գեղեցիկ, փոքրիկ սրածայր սև միրուքը, սպիտակ ու կարմրագոյն երեսը, այնքան գրաւիչ էին, որ կատարեալ հրեշտակի նմանութիւն էին տալիս:

— Նազեան գոչեց երիտասարդը կառքից վեր ցաակելով. ի՞նչու այսօր տխուր ես առաջ գնում հոգիս, շարունակեց առաջինը բռնելով երկրորդի ձեռքը:

— Ախ, այդ դու ես, Յովհաննէս, ո՞ւր այդպէս վաղ, կամ ինչ շտապեցնող գործ է քեզ սպասում, որ կառքով ես առաջ գնում, պատասխանեց Նազիան գլուխը այս ու այն կողմը շրջելով, կարծես թէ երգնչում էր, թէ մի գուցէ տեսնող կըլինի այդ երիտասարդի հետ խօսելիս:

— Ես, հէնց խկապէս քեզ էի կամենում գտնել, դրա պատճառով կառք էի վարձել, պատասխանեց երիտասարդը քմքծիծաղ տալով բաց թողեց օրիորդի ձեռքը:

— Ի՞նչ կայ որ, պատասխանեց Նազիան վախենալով:

— Ես, կամենում էի, որ դու այսօր ինձ հետ միասին կառքով գնաինք փոքր ինչ զբոսնելու. ասում են, որ մի հրաշալի նաւթի շադրուան է բացուած: Ինչպէս պատմում են, շատ զարմանալի ու հետաքրքիր տեսարան է:

— Ոչ, ես ուսումնարան պէտքէ գընամ, պատասխանեց Նազիան փոքր ինչ հանգստանալով:

— Մի՞թէ կըմերժէիր ինձ, սիրելիս:

— Ոչ, ես մերժելու ոչինչ չունիմ:

— Եթէ, չես կամենում ինձ մերժել, ուրեմն նստիր ինձ հետ միասին կառք: Այս խօսքերը լսելով Նազիեան պարտաւորուած դարձեալ, սկսեց այս ու

այն կողմը խլրջկոտալ: Երբ նա միամիտացաւ, որ իրան ուրիշ ծանօթ, նկատողներ չկան իսկոյն ցատկեց կառքի մէջ: Նորեկ երիտասարդը ևս հետևեց նորա օրինակին ու կառքը սլացաւ: Յովհաննէսը առնելով Նազիաից դասագրքերը, փաթաթեց իւր ձեռի լրագրի մէջ, որ ոչ ոք, չէր կասկածիլ, թէ այն թուղթի մէջ փաթաթածը գիրքեր են:

— Ո՛ւր ենք գնում մենք սիրելի Յովհաննէս, հարցրեց Նազիեան շահասիրտուելով կառքի մեջ:

— Զբոսնելու, և նաւթի շաքրվանին նայելու:

— Գիտես, սիրելի Յովհաննէս, ես, վախենում եմ, որ մի գուցէ այնտեղ ինձ ծանօթ լինի, տեսնէ ինձ քեզ հետ, լետոյ մօրս պատմէ, գիտես մալրս այն ժամանակ ինչ կերպերով կը պատժէ ինձ:

— Ինչ, ոչինչ էլ չի կարող անել:

— Ո՛չ, ո՛չ, նա չափից գուրս խիստ կին է, երբ լսէ թէ ես այսօր կամ ու-

րիշ ժամանակներ քեզ հետ խօսում եմ կամ զբոսնում եմ ո՛հ այն ժամանակ Աստուած թող միմիայն, ինձ ազատէ նորա ձեռից . . .

✓ — Միթէ այդքան խիստ է վարում:

— Խիստ, այն էլ անչափ խիստ, հաւատացիր, որ եթէ նա լսէ իմ ձեռներս ու ոտներս պինդ ամուր կը կապուտէ երեք օրից վեր սոված կը պահէ միշտ անխիղճ ծեծելով, էլ չի թողնիլ, որ անից գուրս գամ փողոց, կ'արգելէ մինչև անգամ ինձ ուսումնարան գնալ: Այն ժամանակ էլ չեմ կարող քեզ տեսնել և չէի կարող խօսալ քեզ հետ արձակ: Աստուած իմ ինչ կը լինէր այն ժամանակ իմ գրութիւնըս, պատասխանեց օրիորդը վերջին խօսքերը վշտալի եղանակով:

— Ոչինչ մի կասկածիր, մենք կառքի մէջ ծածկուած կը լինենք և ոչ ոք քեզ չի կարող ճանաչել, ասաց Յովհաննէսը:

— Իսկ մենք երկար պէտքէ զբոս-



նենք:

— Մինչև ճաշ կամ աւել:

— Ո՛հ, ուրեմն այսօր ես ուսում-
նարան չպէտքէ գնամ:

— Ասա՛, ինձ ճշմարիտը սիրելի՛ Նա-
դեա զո՛րնես աւելի շատ սիրում, ինձ թէ
ուսումը:

✓ — Իհարկէ քեզ ինչէ ուսումը, ինչ
է ծնողը, ինչ է քոյր կամ եղբայրը քո
սէրի գէմ, այդ բոլորը ես չեմ փոխիլ
քո կեանքի մի թելի հետ:

— Ախ եթէ ասածներդ բոլորը ճիշտ
լինէին, ես ինձ ամենաբախտաւորը կը
համարէի աշխարհում:

— Հաւատացիր սիրելի Յովհաննէս,
որ ես քեզ սիրում եմ, այն և մի այն-
պիսի կրակօտ սիրով, որ լեզուովս
պատմելու ընդունակութիւն չունիմ:
Միթէ դու չգիտես, որ քեզ սիրում եմ,
միթէ դու չես զգում, միթէ քեզ յայտ-
նի չէ որ իմ բոլոր կեանքի ուրախու-
թիւնը, իմ ամէն մի քաղցր ապագաները,

իմ ուսումը, իմ անվերջ բախտաւորու-
թիւնը, միայն դու ես. մի խօսքով ինձ
կենդանութիւն նուիրողը ու գերեզման
տանողը միմիայն քո անխաւար սէրն է:

— Հաւատում եմ, որ ինձ սիրում ես
սիրելի Նադեա, բայց . . .

— Ինչ բայց, ասիր խնդրեմ, քո խօ-
սակցութիւնից մի ուրիշ միտք է երե-
ւում, ասիր ՚ի սէրն Աստուծոյ ինձ մի
տանջիլ:

Ես քեզ երբէք չեմ տանջում, այլ
քեզ տանջողին վրէժխնդիր թշնամի եմ:

— Ասիր, ասիր, ինձ սիրելի Յովհան-
նէս, ինչ բայց էր. ասիր խնդրում եմ
քո սրտի բոլոր խորհուրդները:

— Ես ոչ մի ծածուկ խորհուրդներ
չունիմ հոգիս, բայց լսեցի մի քանի օր
առաջ թէ քո գաղտնի նամակները գըտ-
նում է մի ուրիշ երիտասարդի մօտ:

— Ո՛հ Աստուած այս ինչ եմ լսում,
իմ գաղտնի նամակները գտնուում է մի
ուրիշ երիտասարդի մօտ. իմ թանգագին

Յովհաննէս, իմ աչքի լոյս, չ'հաւատաք
այդ խօսքերին դրանք բոլորը թշնամու
բառեր են: Ախ Տէր իմ, շարունակեց
Նազեան հանելով թաշկինակը գրպա-
նից և սկսեց սրբել աչքի արտասուքնե-
րը որից մի քանի կաթիլ գլորուելով
ընկան գիրքը: Միթէ քո սէրը այդ-
չափ կասկածաւոր է, միթէ դու ինձ թե-
րի ես սիրում. ո՛հ ես այդ դեռ նոր եմ
հասկանում, որ մինչև այսօր քո ամեն
մի խօսքերը կեղծ են եղել, ասաց ու
թաշկինակով ծածկեց երեսը, և սկսեց
խուլ ձայնով հեկեկալ:

— Հաւատում եմ, իմ աչքի լոյս, որ
այդ բոլորը, թշնամական բառեր են:
Սիրում եմ քեզ անկեղծ և պէտքէ սի-
րեմ մինչև գերեզման մտնելու: Կու ոչ
մի կարծիքներ մի ունենալ կրկնում եմ,
որ քեզ սիրում եմ քեզնից բացի աշ-
խարհում ոչ մի բանով ես երջանիկ չեմ
դու ես միայն իմ երջանկութիւնս: Մի
լալ և մի հեկեկալ իմ հրեշտակ դու.

դրանով ինձ սարսափելի կերպով վիրա-
ւորում ես ասաց Յովհաննէսը բռնելով
իր խօսակցի կռնից, որ հեռացնէ նորա
ձեռները երեսից:

— Թող ինձ հանգիստ 'ի սէրն Աս-
տուծոյ, կամակորվելով Յովհաննէսը վար-
մունքին ասաց Նազեան:

— Բաւական է Նազեա, թող քո
լացը մենք այժմս կառքի մէջ ենք գըտ-
նում, թող այդ հեկեկանքդ, ես կա-
տակ եմ արել ճշմարիտ խոստովանում
եմ որ կատակ էր իմ ասածներս բաւա-
կանացիր, հոգիս, ինձ մի տխրեցնիլ:

Նազեան սկսեց հետզհետէ թուլա-
ցնել իւր հեկեկանքները, երբ նա թաշ-
կինակը վերցրեց երեսից սրբեց կարմրած
աչքերը, այն ժամանակ նորա ականջնե-
րին լսուեցին մի անսովոր գոռոց: Նա
զարմացած սկսեց այս ու այն կողմը
նայել բայց ոչինչ չտեսաւ և ոչինչ չէր
կարողանում հասկանալ թէ արդեօք ինչ
գոռոց է կամ որտեղիցն է լսվում այդ

անձանօթ ձայնը:

— Լսում ես սիրելիս այդ գոռոցը, դա հէնց այն գոռոցն է որին մենք նայելու ենք գնում, որին գոչում են նաւթի շաքրուան: Նա այն ոյժով գուրս է փչում գետնի տակից նաւթը, և լցնում: ահագին հողից փորած շտեմարանները, խօսաց Յովհաննէսը խանգարելով օրիորդի ապշութիւնը:

— Ուր է ապա ինչու չի երևում պատասխանեց Նազեան կօշիկներին նայելով:

— Ահա շուտով կերևայ:

Մի քանի վայրկեան, այդ խօսակցութիւնից լետոյ մեզ ծանօթ կառքը արդէն կանգնած էր ծովի ափից քիչ հեռու, որտեղից նայում էին Յովհաննէսը ու Նազեան նաւթի շատրուանին, որը իրանցից այնքան մօտ չէր: Նայում էր Նազեան թէ ինչպէս վիշկի չորս կողմից թափւում է նաւթը և դառնում է գետակ վազում դէպի մեծ նաւթի շտեմարանները: Այդ սև ու կանաչա-

գոյն հեղուկը բոլորովին զմայլեցնում էին Նազեանին: Թափւում է վիշկից երեւակայում էր նա, դեղնափոշիանման մի տեսակ հեղուկ իսկ գետնին ստանում է սև ու կանաչ գոյն. կամ նորա ուժեղ հոտը այնքան ազդու է որ մարդու ուղեղն է ծակում: Զարմանում էր Նազեան այդ բոլոր հրաշքներից ու ապշած նայում և հիանում:

Բ.

Մութը վրայ էր հասել: Գիշերուայ թանձր խաւարը պատել էր աշխարհին և թաղաւորել բոլոր երկիրը: Ամեն մարդ քաշվել էր իր բնակարանը: Փողոցները և մայրթերը էլ ցերեկուայ պէս կենդանի չէր իւր անցուդարձ անողներով: Նրանք ևս լուել էին և կարծես թէ ննջում ու հանգստանում էին ցերեկուայ սաստիկ աշխատանքից, որ նոր ոյժ ստանան նորից ամբանան միևս օրուայ համար որ կարողանայ դիմանալ ամբօխի ոտների

տակ: Քաղաքում ամեն ինչ լուռ էր: Մարդկանց մեծամասնութիւնը ննջում էր իւրեանց փափուկ անկողինների մէջ: Կային ևս արթուն հոգիներ, որոնք մի կիսատ գործով զբաղուած աշխատում էին վերջացնել. որոնք էլ ժողովարաններում խառնուած թղթախաղերով մօռացել էին քուն, հանգստութիւն, տուն, ամուսին և այլլ:

Քաղաքի Շ. թաղում մի տան մէջ կար և մի հոգի արթուն նստած. նա դեռ ևս չէր հանգստացել: Նստած էր պարզ ու պայծառ ճրագի առաջ սեղանի մօտ. նրա դէմը թափուած էին գրքեր ու տետրակներ: Կունած էր նա սեղանի վերայ, աշխատում էր սովորել մի ոտանաւոր բերանացի, բայց այդ խեղճ հոգին չեր կարողանում ըմբռնել իւր մտքի մէջ: Երկար բացուխութանելուց յետոյ գիրքը, մի խոր հոգոց հանեց իւր սրտի խորքերից, փակեց իրան չարչարող առարկան և սկսեց լուռ ու մունջ մտածել: Սեն-

եակում ամեն բան լուռութեան մէջ էր: Միայն կից սենեակիցն էր լսուում խուլ շնչառութեան ձայներ, ուր լսողը անշուշտ կասեր, թէ այնտեղ որտեղից լսւում էին այդ շնչառութիւնները, անկասկած երեք անձինք կային քնած:

Ուսանողուհի էր այն սեղանի մօտ նստածը. որը երկար ժամերով աշխատում էր պատրաստել իւր դասերը: Բայց այն խեղճ արարածը, իզուր չարչարուում էր, իզուր կուռում էր, իւր դասագիրքերի հետ, որովհետև ոչինչ չէր կարողանում ըմբռնել դասերից: Յիշեալ ուսանողուհին լաղթովելով իւր դասագիրքերից բաւականի ձանձրացաւ իւր վիճակի վերայ, սակայն ծածկեց նրանց և մի քանի ընդհատումներով լուռ նստելուց, առաւ մի թուղթի կտոր, վերցրեց սեղանի վրայից գրիչը ու սկսեց գրութեամբ ըզբաղուիլ: Թուղթի և գրութեան ձևը նամակի էր նմանուում: Կուռը դէմ տուած սեղանի երեսին, ափով պահած

անքնութիւնրից ծանրացած գլուխը, լուռ
առանց ձայնի սկսեց գրել:

Նորա հրապուրիչ և բոցավառ սև
ու կոլոր աչքերը, սև կամարածև ու
շքեղ յօնքերը, սպիտակ ձիւնանման փա-
փուկ բամբակի պէս կարմիր վարդից ա-
ռաւել թշերը, փոքրիկ ու սիրուն քի-
թը, մարջանանման կարմիր ու բարակ
շրթունքները, կոլու ու գեղեցիկ ծնօտը,
երկար ու քնքուշ սև մազերը, կարապա-
լին բարձր պարանոցը, դուրս ընկած ոչ
շատ մեծ կուրծքը, բարակ և նազուք
մէջքը հրաշալի նոճի հասակը. մի խօս-
քով մարդուն խելագարացնող այդ չ'Աս-
տուածուհի էակը, նոյն գիշերը բոլորո-
վին կերպարանափոխուել էր:

Մերթ նրա սքանչելի արտայայ-
տութիւնը ոգեորուում էր սպիտակ թուխ-
թի վերայ շարելով սև տառերը, մերթ
բոլորովին թառամում և կարծես թէ
քնի ուժեղ զօրութիւնը ազդում էր այն
խեղճ օրիորդին: Այգպիսով գրեց թուղ-

թի մի ամբողջ երեսը, երբ կամենում
էր շրջել միւս երեսի վերայ, յանկարծ
նրա քնքուշ մատները թուլացան, էլ
չկարողացան կրկին բռնել գրիչը: Հե-
ռացրեց փոքր ինչ թուղթը իրանից և
սկսեց խոր մտածմունքի մէջ ընկղմուել:
— Ախ Աստուած, որքան վատ ըրպէսներ
են ինձ սպասում: Ենթագրեմք թէ իմ
նամակը արդէն պատրաստ է, բայց ո՞վ
պէտքէ տայ նորան, կամ ինչ միջոցնե-
րով կարող եմ հասցնել նորան այս նա-
մակը, ո՞՛հ այս ցաւը, բոլորովին անտա-
նելի է: Այս էր մտածում ուսանողու-
հին, որի պատճառով խանգարեցաւ նո-
րա հետաքրքիր գրութիւնը: Մի քանի
ըրպէսներից յետոյ նա դարձեալ քաշեց
առաջ նամակի թուղթը, ձախ ձեռք վեր-
ցնելով սեղանի վրայից ու դարձեալ սկսեց
գրել քիչ ուրախ աչքերով: Կարծես թէ
նա գտաւ մի միջոց, մի յարմարութիւն
իւր նպատակին հասնելու համար: Այս
անգամ նորա գրիչը աւելի ոգևոր էր

շարժւում, որպէսզի որքան կարելի է շուտ աւարտեր իւր կիսատ գործը: Անցնում էր գիշերը բայց մեզ ծանօթ օրինորդը դեռ նստած էր սեղանի մօտ: Նա դեռ ևս չէր քնել, նա դեռ չէր հանգստացել կարելի էր տեսլ, որ ցանկանում էր այդ գիշերը վերջ տար իւր բոլոր տանջանքներին: Վերջ տար իւրեան հալ ու մաշ անող տառապաքներին, ջնջեր ու անյայտացներ իւր սրտի խորքերից: Նա մերթ գրում էր այժմ, մերթ մտածում և մերթ այս ու այն կողմն էր նայում, կառկածելով թէ ուրիշ աչքեր չեն տեսնում արդեօք իւր գաղտնի նամակի տառերը: Վերջապէս աւարտելով նամակը ստորագրեց վերջ տուաւ իւրեան երկար տանջող աշխատանքին, վերցնելով սեղանի վրայից գրուած թուղթը և սկսեց բոլորովին խուլ եղանակով կարդալ հետեւալ խօսքերը:

Թ անկազին Վանեա!

— Քանի՛, քանի՛ անգամ, ես կամենում էի պատմել քեզ, այն ինչ, որ իմ սիրտի խորքումն է, բոլոր ինձ տանջող, ինձ չարչարող ու անհանգստութիւն պատճառող գաղտնիքների մասին, որոնք պահուած են սրտիս ու հոգոյս մէջ: Սմեն անգամ ժողովում էի ոյժերս քեզ տեսնելիս, որ կարողանամ պատմել իմ միակ գաղտնիքներս, բայց նոյն ըոպէին այն, նոյն վայրկեաններին խլում էր ինձնից քո հրապուրիչ պատկերը իմ ամբողջ ընդունակութիւններս և ես մնում էի լուռ ու համրացած: Այդպիսով դարձեալ գաղտնիքներս մնում էր սրտիս վարագոյրի տակ ու աւելի ցաւացնող զօրութիւն էր ստանում: Այդ լուռ դէպքերում միմիայն կարողանում էի քս հարցերին պատասխանել:

— Զգո՞ւմ ես արդեօք ինչ է իմ գաղտնիքներս սիրելի Վանիեա!։ Այն

օրուանից երբ քեզ տեսայ, սրտիս մէջ
ընկաւ մի վառ կայծ և այդ կայծը օրից
օր աւելանալով դարձաւ իմ մէջ մի ան-
խաւար կրակ, որն սկսեց այրելու տանջել
չարաչար իմ մատաղ սիրտս ու դեռահաս
հոգիս: Այն րոպէից սիրեցինք քեզ: Քեզ
համար եմ ապրում և քեզ եմ միայն
լիշում գիշեր ու ցերեկ: Մտածում եմ,
արդեօք ինչ պէտքէ լինի այս սարսա-
փելի բոցավառ հուրի վերջը. որն այ-
րում է երիտասարդ կեանքիս թելերը:
Վերջապէս ցանկանալով փարատմունք
դտնել իմ վշտերին, վճռեցի մի վերջնա-
կան միտք, որն ահա գրում եմ քեզ:

Անմօռանալի Վանես! Ահա չորրորդ
ամիսն է, որ ես չափազանց թույլ եմ
ուսուման մէջ. բացի դրանից, իմ ու-
սուցիչներս մօրս խնդրել են, նկատողա-
կան տոմսով որ աչքի առաջ ունենայ
իմ թուլութիւններս:

Իհարկէ քեզ լայտնի է նրա բնութիւ-
նը, թէ ինչպէս պէտքէ վարուած լինէր

ինձ հետ, այդ դու միայն երևակայիր:
Որքան աշխատանքներով ու ջանքերով
պատրաստում եմ ուսումնական պատու-
էրները, բայց դարձեալ ոչինչ չիմանում
իմ գլխիս մէջ: Մտքերը շեղուելը ուս-
մանս մէջ, այն օրուանիցն է սկսու-
ւած երբ առաջին անգամը քեզ տեսայ:
Ուրեմն այն սէրն որը դու թողել ես իմ
սրտի մէջ, այժմ փարատութիւն եմ
խնդրում. այն վառ ու սարսափելի կրա-
կը, որ հրել ու ձգել ես իմ սրտիս ու
հոգուս մէջ ներկայում օգնութիւն եմ
պահանջում: Ի՞նչու իզուր ես պէտքէ
ծածկեմ և ի՞նչու հեռու պէտքէ գնամ
ու ինձ վնասեմ. աւելի լաւն այն չէ որ
խոստովանուեմ պարզը թէ սիրում եմ
քեզ, և պէտքէ սիրեմ: Սակայն երբ
սիրում եմ պէտքէ ձգուեմ դէպի
սէրն և ուրիշ ոչ մի կողմը: Գուցէ եր-
կար նամակովս քեզ գլխացաւութիւն եմ
պատճառում, բայց և խնդրում էի, որ
ներէիր ինձ: Ներիր ինձ իմ հոգոյս հա-

տոր, և վերջ տուր ՚ի սէրն Աստուծոյ
 իմ տանջաքներին: Սրախ ցաւալի վեր-
 քերին բժշկութիւն եմ աղաչում, դու
 ես միայն իմ անտանելի ցաւերի ըն-
 դունակ բժիշկը իմ աչքիս լոյս: Սիայն
 այն ժամանակ վերջ կը հաստատուի այս
 տառապեալ կեանքիս, երբ մենք ձեռք
 ձեռքի տուած դուրս կը գայինք Ս. եկե-
 ղեցուց ստացած քահանայի օրհնութիւ-
 նը և նորա ամրացրած օղակը, որին կը
 կոչեն ամուսնութեան կապ: Ա՛խ ար-
 դեօք կունենամ այնքան բախտ, որ ես
 ինձ տեսնեմ քո իշխանութեան տակ.
 Ո՛հ, այն ժամանակ ես ինձ ամենաեր-
 ջանիկը կը համարէի այս աշխարհում: Իմ
 կեանք ու երջանկութիւնս միայն դու
 ես և հէնց դրանով կարող էիր ինձ
 կեանք տալ, երբ կը լինեմ քո սեպհա-
 կանը: Նոյն նախադասութիւններն էին,
 որ կապում են իմ լեզուն և ես չէի կա-
 ըողանում պատմել քեզ, երբ կանգ-
 նած էի լինում քո դիմացը: Ամօթք

սաստիկ կարմրեցնում էր իմ երեսն ու
 լեզուս համրացնում: Երկար չ'դիմանա-
 լով, այս զարհուրելի վիճակին վագեցի
 թղթի ու զրչի մօտ, որ նամակով բա-
 ցատրեմ քեզ իմ դադանիքներս ու ստա-
 նամ անշուշտ պատասխան:

Քեզ անվերջ սիրող Նազեա:

Ահա այդպիսի մի երկար նամակ էր
 գրել ու պատրաստել: Նամակը կարգա-
 լուց լետոյ, ծալեց գրած թուղթը դրաւ
 մի ծրարի մէջ, փակելով անյայտացրեց
 իր տետրակների մէջ: Օրիորդը հաւաքեց
 սեղանի վրայի թղթեղէնները ու կարգով
 ամենը իր տեղը տեղաւորելուց լետոյ,
 պատրաստուեցաւ քնելու:

— Սիրտս բոլորովին փոխուելէ, նա-
 նամակը կարգալուց լետոյ կարծես թէ
 փոքր ինչ մեղմութիւն եմ զգում: Ախ
 որքան հանգիստ է հոգիս, դրանից երե-
 ւում է, որ գրուածներս բարի հետևան-
 քներ պէտք է ունենան: — Էլ ինչ բարիք,
 մի կատարեալ լախտաւորութիւն, մի

անտրտունջ կեանք կունենայի երբ ես կառանձնանի իմ թանկագին Վանեայի հետ, կ'ապրէի նրա քաղցր իշխանութեան տակ: Գիտէ՞ք թէ որքան մաքուր ու գեղեցիկ բնակարան կ'ունենամ: Մենք, ՚ի հարկէ կը վարձենք մի ուրիշ տեղ առանձին տուն, կըզնեք լաւ աթուներ, սեղաններ, պահարաններ և բոլոր տնային կահուկարասիքներ, դրանք բոլորը ես կարգով կը կարգաւորէի հմուտ տանտիրնոջ պէս, կ'ապրէի Վանեայիս հետ: Երեկոները մենք դուռը կը փակէինք ու միասին թւթւի տուած կըզնայինք ըզբօսնելու այգին, կամ թատրոններ կ'այցելէինք: Այն ժամանակ ես ոչ մի պահասութիւններ չէի ունենալ ու ինձ այսպէս պաշարած չէին լինիլ մտքեր-հոգսեր: Ոչ ուսումնարանում ուսուցիչուհիներս կ'ամօթէին ինձ և ոչ էլ մայրըս կարող էր ծեծել: Ահա, թէ որքան երջանիկ կը լինէի եթէ այս երեւակայութիւններս ցնորքներ չ'լինէին: Մտածում

էր օրիորդը անկողնու մէջ պառկած ու ինքնիրեն ոգևորուելով այսպիսի քաղցր երեւակայութիւնների մէջ: Մի քանի րոպէներից յետոյ, սենեակը բոլորովին լըռեց, մեզ ծանօթ օրիորդը մտաւ մորփոսի խօրքը:

Կէս օրից անցել էր երկու ժամ: Ուսանողները տուն էին վերադառնում: Ծովի ափի լայն մայթերի վրայով քայլում էին երկու ուսանողուհիներ, որոնք իրանց աշխատանքները վերջացնելով, այդ օրը, գնում էին դպրոցից տուն: Օրիորդները հագնուած էին մութ շագանակագոյն երկար հագուստներ, առջևներից կապած ունէին սև ուսումնական գոգնոցներ:

— Սիրելի ընկերուհիս, ասաց նրանցից մէկը միւսին, այսօր ես փոքր ինչ լաւ պատասխանեցի դասերս այնպէս չէ:

— Այո շատ լաւ պատասխանեցիք, ես տեսայ, որ դուք այսօր բոլոր գործողութիւններից 4 թվանշաններ ստացաք:

Ախ աւելի աշխատասէր կըլինէի...
Ինչպէս, որ միքանի ամիսներ առաջ,
առաջի աշակերտուհին էի, բայց հիմա
մի արգելք կալին, որքոք խլում են ինձ-
նից իմ բոլոր ուժերս:

— Այդ ինչ արգելք է. Նազեա, որը
ձեզ արգելում է ուսման մէջ և թուլա-
թիւն է, պատճառում ասաց երկրորդը
առաջինին:

— Այն, ես չափազանց մեծ արգելք-
ներ ունիմ, նամանաւանդ ուսման մասին:

— Հասկացայ, հասկացայ այդ ինչ
արգելքներ են, պատասխանեց երկրորդը
ուրախ ծիծաղելով:

— Բայց դուք ոչինչ չգիտէք, ասաց
առաջինը փոքր ինչ գլուխը թեքելով:

— Հաւատոյնում եմ, որ փոքր ինչ
գիտեմ սիրելի ընկերուհիս, բայց ոչ բո-
լորը:

— Ի՞նչ է, ասացէք եթէ գիտէք:

— Ա՛յ, ինչ է. պատասխանեց երկ-
րորդը, մի կողմ նայելով: — Անցեալ օրը,

ձեզ տեսայ այդու խուլ անգիւններից
մէկում, դուք մի գեղեցիկ հայ երիտա-
սարգի հետ խօսում էիք:

— Այն, հասկացել էք սիրելի ընկե-
րուհիս, բայց խնդրում եմ որ ոչ ոքի
դրա մասին ոչինչ չպատմէք. ասաց Նա-
զեան խնդրողական եղանակով:

— Աչ, ոչ. ես ոչինչ չեմ ասել ուրի-
շի միամիտ եղէք, բայց խնդրում եմ կր-
կին, որ պատմէիք թէ ո՞վ է նա, կամ որ
տեղ ծանօթացաք նորա հետ:

— Դորա պատմութիւնը երկար է,
ես վստահ չեմ, որ մինչև մեր բնակա-
րանները հասնելը պատմութիւնս վեր-
ջացնեմ, աւելի լաւն այն է, որ թող-
նենք մի ուրիշ ժամանակ կըպատմեմ:

— Ոչինչ, մենք մեր քայլերը կըփոք-
րացնենք, պատմիր խնդրում եմ:

✓ — Մի գեղեցիկ օր, ասաց Նազեան
պատմական եղանակով, ես և մալրս գը-
նացել էինք երկաթուղու կայարանը,
մէկին ճանապարհելու: Մենք երեքներս

անցանք I կարգի դահլիճը հանգստանալու, որովհետև կէս ժամից վեր պէտքէ սպասէինք շոգեկառքի ճանապարհուելուն: Պահլիճում ճանապարհորդողների թիւը, որոնք նստած էին գեղեցիկ նստարանների վերայ շատ էին: Մենք մօտեցաք մի նստարանի, որի վերայ նստած էին երկու կին մի ծայրում, իսկ մի երիտասարդ միւս ծայրում դահլիճի դռան մօտ: Երիտասարդը գուշակելով որ մենք ցանկանում ենք նստել, սակայն երեքներս չեք տեղաւորուել յիշեալ նստարանի վերայ, վերկենալով նա իւր տեղից ու մեծ քաղաքավարութեամբ հրաւիրեց մեզ նստել: Երիտասարդի քնքոյշ վարմունքը ինձ չափազանց գրաւեց: Ես մի նուրբ հայացք ձգեցի նորա վերայ, տեսնելով, որ նա իւր կրակոտ աչքերով նայում է ինձ: Մի քանի րոպէներ մենք միմիանցից չկարողացանք մեր ուշադրութիւնները հեռացնել: Պարոնի հրեշտակային կերպարանքը ինձ այն աստիճանի

գրաւել էին, որ ես մոռացել էի թէ որտեղ եմ գտնուում, կամ թէ ինձ հետ միասին նստած է մայրս: Իմ ոյժերս խրլել էր նա, ես մնացել էի մի խօսքով կաշկանդուած: Աւերջապէս առաջի զանգակը զանգահարեցին, մայրս առաջարկեց ինձ օգնել մեր ճանապարհորդողին, տեղաւորել նորա կապոցները, բայց խօստովանուում եմ, որ իմ կուներս ոյժից սպառուել էին ոտներս առաջ չէին ուզում գնալ: Կասկածելով որ մի գուցէ մայրս կարող է նկատել, սակայն ժողովեցի ոյժերս ու ասացի մօրս: Մայրիկ, ես հիւանդ եմ. այլևս չեմ կարողանում սպասել: Մայրս տեսնելով, որ ճշմարիտ իմ դէմքիս գոյնը փոխուել է ուստի թողեց ինձ նստած կատարելով իմ պաշտօնը: Իսկ յիշեալ պարոնը խելագարուածի նման աչք չէր վերցնում ինձնից: Երրորդ զանգակից յետոյ ճանապարհուեց շոգեկառքը ու մենք վերադարձանք տուն: Իմ հոգիս ու սիրտս մնաց այնտեղ կա-

յարանում: Ես նոյն օրը, ոչինչ չկարողացայ ուտել, ոչինչ չկարողացայ սովորել: Այդ էր իմ առաջի ծուլութեան օրը, որը շարունակուում է մինչև այսօր: Նախընթաց առաւօտեան ես գիրքերըս հաւաքելով գնացի ուսումնարան: Իմ ոտներս առաջ էին գնում կատարեալ մեռածի նման. իսկ ուշքս ու միտքս այն երիտասարդի մօտն էր: Աերջապէս ես մոլորուած գնացքովս լետ նայեցի, բայց ինչ տեսայ, զիտես սիրելի ընկերուհիս միւսնոյն երիտասարդը հետեւում էր ինձ: Նորան տեսնելուն պէս ես իսկոյն ցտկեցի մայթի վրայից ու ընկայ փողոցի մէջ, որ ուշադրութիւնս չկորցնեմ, կատարեց նաև այդ, ես փոխեցի ճանապարհս, որ մի կերպ հասնեմ ուսումնարան բայց նաև հետեւեց իմ օրինակին: Բոպէական միջոցներից լետոյ երիտասարդը մօտեցաւ ինձ ու ցածր ձայնով ասաց, «ով անգուլթ, ինչո՞ւ իզուր տանջում էք ինձ» բայց ես ոչինչ չպատասխանեցի այլ

քայլերս փոքր ինչ արագացրի: Բաւականի տեղ հեռացած էի ինձ կարծում, փորձեցի դարձեալ լետ նայել. նայելով նորան գտայ կրկին, մի քանի քայլ հեռու ինձնից, որ դարձեալ մօտեցաւ ինձ ու ասաց միւսնոյն խօսքերը: Այս անգամ չգիմանալով նորա կրակոտ խօսքերին պատասխանեցի ես.

Ինչու ես անգուլթ եմ... լսելով իմ խօսքերը, նա մի տեսակ ուրախացաւ ու քայլերը արագացնելով բոլորովին մօտեցաւ ինձ ու դարձեալ ցածր եղանակով խօսաց.

— «Այտ դուք չափազանց անգուլթ էք, նորա համար, որ իզուր տանջում էք ինձ:»

— Ինչու ձեզ պէտքէ տանջեմ. կրկնեցի ես գետնին նայելով:

— «Միթէ դուք չգիտէք ձեր արածը, միթէ չգիտէք, որ ձեր անուշադրութիւններով ինձ ուղիղ կարող էք գերեզման տանել: Զեր հրեշտակային պատ-

կերը երէկ թողել է իմ սրտի մէջ մի սուր նետ. այժմ սաստիկ ցաւեցնում է նա իմ հոգին: Ոհ, ես ցաւին չդիմանալով այսօր ընկնում եմ ձեր առաջը խնդրում աղաչում եմ, օգնեցէք ինձ, գթացէք ի սէրն Աստուծոյ, միք տանջիլ իզուր ինձ» այս խօսքերը մի այնպիսի եղանակով ասաց. թէ մարդ որքան ապառաջ սիրտ ունենար դարձեալ կըխղճահարուէր:

— Բայց ես ինչով կարող եմ ձեզ օգնել, ասացի փոքր ինչ սիրտ առնելով: — «Դո՛ւք, այո՛, դուք ամեն մի քայլում կարող էք ինձ օգնել, իմ սրտի ցաւերին բժշկութիւն կարող էք տալ» ասաց նա:

— Ես չեմ հասկանում ձեր միտքը պատասխանեցի ես:

— «Վկայէ Սրարչի սուրբ անունը, որ դուք շատ պարզ հասկանում էք իմ միտքս ու նպատակներս:»

— Հաւատացէք պարոն, որ ոչինչ

չեմ հասկանում, բայց հետաքրքիր է ինձ իմանալ ձեր միտքը ասացի, գրքերովս երեսիս մի կողմը ծածկելով:

✓ — «Դուք խոստովանում էք թէ ձեզ ոչինչ լայտնի չէ իմ մոլորութեան մասին, իսկ ես կըպատմեմ ամենապարզ ձեւով: Գուցէ չէք մոռացել երէկուայ անցքը կայարանում: Երբ, դուք մօտեցաք նստարանին իմ թշուառ աչքերը տեսան ձեր լուսնանման պատկերը, լիացայ ու մնացի շուարուած. իսկոյն ցատկելով տեղիցս, կարծես թէ մի էլէքտրական ոյժ, կամ մի մագնիսական զօրութիւն սկսեցին ինձ հրամայել ու ասել նաչիր այդ ուսանող օրիորդին, լաւ նաչիր, թէ որքան գեղեցիկ է, համաձայն նոյն զօրութիւններին, ձեր սիրուն գեղեցկութիւնը մոլորեցրեց ինձ, իմ աչքին, այլ ևս ոչինչ չերեացին, մի՞նեց բոլորը, խաւարեցան կայարանի պաշտօն լուսամուտները և ես վայր ընկայ մի ուրիշ նստարանի վերայ: Ես ևս ճանապարհորդ

էի, սակայն ձեր նուրբ ու քնքույշ հայացքը, կաշկանդեցին իմ գնացքս, մտածեցի ու վճռեցի էլ չ'գնալ, էլ չ'հեռանալ այս քաղաքից քանի, որ դուք զբտնուում էք այստեղ: Ձեր հեռանալուց ես խնդրեցի մշակներից մէկին, որ նայէ իմ իրեղէններին մինչև վերադառնալս: Եւ սկսեցի ձեզ հետեւել ծածուկ... իմանալով ձեր բնակարանի տեղը ես վերադարձայ կայարան հաւաքեցի կապոցներս ու չեա գնացի տուն: Տեղաւորելով սլիտոյքներս սկսեցի մտածել: Կրդեօք ինչ ապագայ պէտքէ ունենայ այս անցքը, երկար ծանր մըտածելուց յետոյ, այսօր ձեզ գտայ այստեղ: Պատահելով ձեզ չափազանց ուրախացայ յոյս ունենալով, որ անպատճառ այսօր մի որևէ ուրախ պատասխան կը ստանամ ձեզնից: Հիմայ ասացէք խնդրեմ, դուք զգուժեք արդեօք իմ նպատակներս:»

— Ոչինչ չեմ զգուժ ասացի ես:

— «Միթէ դուք չէք զգուժ, չէ որեւէ ձեզ սիրում եմ: Այս սիրում եմ ձեզ, ու ձեր սիրոյն պատճառով թողեցի իմ գնացքս և ընկել եմ փողոցէ փողոց, որ յայտնեմ ձեզ ու ստանամ պատասխան, ասացէք աղաչում եմ, դուք ևս կարողէք ինձ սիրել թէ ոչ:»

— Ես բոլորովին համրացայ այլևս պատասխանել չ'կարողացայ: Կրկնեց նա միևնոյն բառերը մի քանի անգամ բայց ես լուռ էի: Վերջապէս կանգնեցրեց նա ինձ ու դարձեալ ասաց միևնոյնը:

— «Կարող էք սիրել ինձ թէ ոչ»: Չգիմանալով նորա վառ խօսքերին, ասացի:

— Այս կարող եմ: Այս խօսքերը երիտասարդը լսելով, փայլեց նորա երեսը, ժպտացին կարմիր շրթունքները, ու մի ուրախ հայեացք ձգեցին իմ երեսին: Այսպիսի երկար ու քաղցր խօսակցութիւններով մենք հասանք մինչև ուսումնարանի մօտ: Մեր ծանօթութիւնը այնքան մօտեցան այդ օրը, որ մենք սկսե-

ցինք խօսալ միմեանց հետ դու բառերով: Զեռս սեղմելով նա հեռացաւ ինձնից, իսկ ես անյայտացայ ուսումնարան մտնելով: — Այն օրուանից սիրելի ընկերուհիս, թուլացան իմ ուսման աշխատանքներս, որովհետեւ իմ սեպհական ուշադրութիւնս բոլորովին մոլորուած է, հէնց այդ արգելքներ են, որ խլում են ինձնից բոլոր աշխատասիրութիւններս:

— Բայց նա ինչով է պարապւում ասաց երկրորդ օրիորդը, առաջինի խօսքը կտրելով

— Հաշուապահութեամբ:

— Որտեղ է աւարտել:

— Թիֆլիս:

— Շատ լաւ, բայց միթէ ձեր մայրը ոչինչ չգիտէ դորա մասին:

— Մայրս, ս՛հ Սասունած մի արասցէ, եթէ նա գիտենայ ինձ կենդանի չի թողնիլ, ծեծելով կըմեռցնէ ինձ.

— Զարմանալի է, որ ձեր մայրը այսքան երկար ժամանակ ոչինչ չկարո-

ղացել հասկանալ:

— Գիտես թէ որքան զգուշ եմ պահում ինձ, նորա ամեն մի նամակները ստանալիս կարդալուն պէս վառում եմ. չնայած, որ սիրտս շատ ցաւում է:

— Իսկ դուք, կամ նա. ինչ էք մըտածում, ձեր սէրութեան վերջը մինչև որտեղ էք հասացնելու. ասաց երկրորդ օրիորդը:

— Կըհասնեն այնտեղ, որտեղ հարկն պահանջում է:

— Որտեղէ հարկի՞ պահանջում:

— Ս. Եկեղեցին, քահանայի մօտ:

— Մի՞թէ:

— Իհարկէ, որ ամուսնութիւնով պէտքէ վերջ տալ մեր տանջաքներին. միմեան ամուսնութեան կապը կարող է լռեցնել բոլորին ու ազատել ինձ ուսումնարանի սպառնալիքներից:

— Բայց միթէ ձեր մայրը թոյլ կըտայ:

— Եթէ գիտենայ իհարկէ ոչ:

—Սպա առանց գիտենալու ինչ պէս կարելի է:

—Սմեն բան կարելի է աշխարհում, ասաց Նադեան ու աւելացրեց, սիրելի ընկերուհիս, այս բոլոր գաղտնիքներս միմեան ձեզ եմ յայտնում, խնդրում եմ բացի ձեզնից ոչ ոք չգիտենայ Նադեան իւր պատմութիւնը վերջացնելուց յետոյ ձեռք սեղմեցին իրարու հետ ցտեսութիւն ասելով բաժանուեցին:

Գ.

Մեծ գեղեցիկ սենեակում, նստած էր Բիթուրի վերայ, զրասեղանի առաջ մի երիտասարդ: Նորա լիակատար կազմուածքը, ու շքեղ արտաշայտութիւնը ցոյց էին ապրիս, որ ոչ աւելի քսանուհինգ տարուայ տարիքները: Սենեակը զարդարուած էր նոր և փայլուն կահ-կարասիքներով, հմուտ ճաշակի համեմատ: Նստած էր նա ճրագի առատ լոյսի առաջ ու ձեռին բռնած ունէր մի

նամակ, որի թերթերը բոլորն էլ գլուխ էր ձեռագրերով: Լուռ, աչք էր շրջում այդ տողերի վերայ ու ինքը իրեն զարմանում: Գրուած թուղթը դնելով սեղանի վերայ մի քանի վայրկեան մտածելուց յետոյ, սկսեց խօսալ մեղմ եղանակով:—Ոչ, ես չեմ հաւատում իմ աչքերին, թէ նա մի այսպիսի նամակ կըլինի գրած: Սյո իմ աչքերը ինչ ատուած են, իմ ուշադրութիւնս խափանուած է, սրանք բոլորը երեւակայութիւններ են: Միթէ, նա կամենում է ամուսնանալ, միթէ, նա իւր ուսումը թերի է թողնում: Ոչ, ոչ ես ուղիղ չեմ կարգում, իմ միտքս լաւ չէ ըմբռնում այս նամակի բովանդակութիւնը: Ուրեմն թող ես կարգամ այս նամակը մի քանի անգամ գուցէ հասկանամ աւելի պարզը:

Սասց ու նորից վերցրեց լիշեալ նամակը և կէս ժամից վեր կարդալով մի քանի անգամ, կրկին թողեց սեղանի վերայ ու ինքը տեղից վերկենալով, ձեռ-

ները խցեց վարժիկի գրպանները ու ըս-
կսեց անցուղարձ անել սենեակի ազատ
կողմերը:

— Ճշմարիտ է, խօսաց նա, Նադ-
եան ցանկանում է ամուսնանալ ինձ հետ,
որ դրանով վերջ տայ մեր չարչարանք-
ներին: Ուրեմն, ինձ պէտք է համարեմ
այսուհետև ամենաբախտաւորը, ուրեմն
ես պէտք է ունենամ մի այնպիսի գեղե-
ցիկ կին ինչպիսին, որ իմ սիրելի Նադեան
է: Սխ Նադեա, Նադեա, միթէ դու, ինձ
այդ աստիճանի սիրում ես, միթէ քո
զգացմունքները այդքան վառ են եղել
դէպի ինձ, ես մինչև այսօր դեռևս չէի
հաւատում ու չէի սպասում քեզնից մի
այսքան հրաշալի նամակ: Բախտաւոր եմ
ես, այո՛, բախտաւոր եմ բոլոր ընկերնե-
րիս մէջ: Բուպէական լուսթիւնից յետոյ,
նա գարձեալ շարունակեց. — Ես հոգով
ու սրտով յօժար եմ ունենալ մի սիրուն
ընկեր ցանկալի Նադեաս. բայց ի՞նչ մի-
ջոցներով, ես այդ չեմ հասկանում: Ինչ-

պիսի հնարներով կամ ումնից պէտք է
խնդրել քո ձեռը: Գիտեմ քո անխիղճ
մօրդ բնութիւնը, որ նա բնաւին գուժ
չունի, նրան Ստոուաժ առանց խղճի է
ստեղծել դէպի քեզ: Եթէ ես մտնեմ նո-
րա մօտ ու ամենայն համեստութեամբ
խնդրեմ քո ձեռը, նա ինձ մեծ կույ-
տութեամբ կըմերժէ, եթէ պատմեմ բո-
լորը ու յայտնեմ իմ գաղափարներս, թէ
յարգելի մայր, մենք բաւականի երկար
ամիսներ է, որ սիրահարուած ենք մի-
մեանց հետ, այժմ ցանկանում եմ խո-
րին հարգանք ձեր աղջկայ ձեռը, նա
իւր պատիւը պաշտպանելու համար, ինձ
խայտառակ կերպով կըհրէ, սարսափելի
սպառնալիքներով, զայրացած դուրս կանէ
իւր տնից: Հաւանական է, սր մեծ պատ-
վի պակասութիւն է ծնօղաց համար, երբ
ուսանողուհին թոյլ տայ ուսումը թերի
կերպով ու վագէ ամուսնութեան յետե-
ւից: Վերջապէս չեմ գտնում հնար սի-
րելի Նադեա, ոչ մի կերպ չեմ կարողա-

նում միջոցներ ունենալ կատարել քո մտադրութիւնները:—Տէր իմ, թէ թողնեմ այս նամակի մտքերը անորոշ ու անուշադրութեան տակ, այն ժամանակ կրմնայ իմ քաղցր էակը արտասունքոտ աչքերով, եթէ կատարեմ, ու ամուսնանամ, ես բուրովին խալտառակուած կը լինեմ: Այսպէս մեզ ծանօթ երիտասարդը քայլում էր իւր սենեակի մէջ ու դատողութիւններ անում: Մօտեցաւ նա գրասեղանին ու դարձեալ նստեց աթոռի վերայ շարունակելով իր ցածր ձայնով խօսակցութիւնները:—Ոչ, ես ընդունակ չեմ մերժել ու թողնել իմ սիրուհուս անուշադրութեան տակ: Ես սիրում եմ նորան և այդ սիրոյն պատճառով անշուշտ պէտքէ կատարեմ նորա խնդիրքները: Դնում եմ պարտք այս րոպէից իմ շինքին ու երգում եմ, որ եթէ սիրուհիս լինի, մի վիթխարի առիւծի գրքում կամ Ովկիանոս ծովի տիեզերներում, կամ թէ երկնքի ամպերի ու թխպերի խոր-

քերում, առանց սոսկալու ու վախենալու կուգեմ, այդ ուժեղ հերոսների, հետ մինչև իմ վերջին շունչս: Յետ առնեմ նրանցից իմ թանկագին գանձս, խլեմ ու սեպհականացնեմ ինձ, իմ միեակ սիրելուս: Գուցէ կարողանամ այն ժամանակ վերջ տալ մեզ տանջող, չարաչար տառապանքներին: Երիտասարդը դարձեալ լուեց, կռները գնելով սեղանի մակերևոյթի վերայ երկու ամբերով բռնեց գլխի երկու կողմերը, մի խոր հոգոց հանելուց իր սրտի խորքերից, սկսեց նորից մըմնջալ:—Այո մեռնելուց ես չեմ վախենում ցանկալի նազեա, հաստատ հաւատացած եղիր, որ սիրում եմ քեզ և հէնց այդ կրակոտ սիրոյն պատճառով կ'աշխատեմ ամեն մի կերպ, թէ հնարներով և կամ թէ ճարպիկութիւններով վերջ տալ քեզ և ինձ սարսափելի հալու մաշ անող անհանգիստութիւններին: Բաւական է, որքան մենք ծածուկ իրարու սիրեցինք, բաւական է, որքան գոյ

աւազակի պէս կեանք վարեցինք: Այժմ
ես պատրաստ եմ կռուել, ոչնչացնել
կամ ոչնչանալ մեր թշնամիների դէմ:
Չնայած, որ իմ լուսահոգի հայրս ու
մայրս միշտ զգուշացրել են խրատներով
ինձ այդպիսի կեանքերից: Հարազատ ծը-
նողներս ինչո՞ւ դուք այդքան հեռու էք
ինձնից, ինչո՞ւ դուք այդքան շուտ հրա-
ժեշտ տուիք աշխարհին ու պառկեցաք
հեռու մի քանի հարկեր վերստեր սև
ու սառ հողի խորքերում: Դուք, որ
միշտ ձեր կենդանի ժամանակներում,
նախազգուշացրել էք զանազան ապացոյ-
ցներով, հեռու ապրել մոլորեցնող կեան-
քերից, չունենալ վտանգաւոր ապագա-
ներ, որովհետև այդ չէ պահանջում
մարդկային օրէնքները: Իսկ ես, քաղցր
ծնողներս ամենայն խոհեմով թեամբ
ոյժիս չափ աշխատեց ապրել, հեռու
շատ հեռու ձեր նախազգուշացրած օ-
րէնքներից, բայց այդ անկոչ հիւրի նը-
ման անիրաւ կեանքը, վաղէվազ հասաւ

իմ լետեից, բռնեց, ո՛հ ամուր գրկեց իր
ոյժօտ թևերով, շղթայակապ արեց իմ
ոտներս ու ձեռներս խղճացնելով ինձ,
իրան գերի ու ստրուկ դարձրեց: Առաւ
նա իր մոլորական խտիտը, ինձ քաշեց,
քաշքշեց տարաւ տուեց այս սոսկալի վի-
ճակը: Աշխատում եմ մի կերպ հեռա-
նալ, բայց իմ հոգեղէն բնութիւնս տկար
է, այդ սիրոյ առջև: Պարտաւորուած
բնգունեցի նորա նուիրած ճակատագի-
րը, որը ինձ համար նա դրոշմել էր ու
կնքել: Ուրեմն այդպէս գերամեծար ծը-
նողներս, ես չկարողացայ կատարել այն
բարի ու օգտաւէտ խրատները, որոնք
դուք մի քանի տարիներ առաջ սովորեց-
րեցիք ինձ: Մերժում եմ ներկայում ու
հեռանում, այն սքանչելի օրէնքներից
որոնք: դուք հարազատ ծնողներս տնօ-
րենեցիք: Իսկ ես ինչպէս մի անառակ որ-
դի գիտութեամբ թքեցի ձեր ծնողական
բարի խրատների վրայ: Հասկանում եմ,
որ սխալ եմ, բայց ինչ կարող եմ անել.

երբ այդ անխիղճ ու կրակօտ սէրը, բըռնած է ինձ ու թեքելով մի կողմիս վերայ չթողնում որ ուզողեմ: Յիշում եմ հայր, քո պատմութիւններից մէկը, որն պատմում էիր քո երիտասարդութիւններէց մի գիծ և նախազգուշացնում էիր ինձ, չ'լինել այնպիսի կարճատես երիտասարդ ինչպէս որ դու ես եղել փաքը ժամանակներ: Յիշում եմ հայր, որ դու քո պատմութեան մէջ ասում էիր, թէ ինչպէս սիրահարուած ես եղել մի գերմանուհու վերայ և նորա հետ միասին թողել ես քո հայրական տունը, փախուես կրել հեռու երկիրներ: Ապրել ես մի և նայն գերմանուհու հետ երեք երկար տարիներ: Պատմում էիր քո կեանքդ, թէ ինչպէս սիրում էիր նրան և թէ ինչպէս քո բոլոր աշխատանքները ուտեցնում ու հագցնում էիր այն կնօջը որին դու սիրում էիր: Լուսահոգի հայր, լաւ լիշում եմ, որ ասացիր լիշեալ կինը, թէ նա քեզ սիրում էր կեղծ և ոչ այնպէս-

ինչպէս դու նրան: Խորամանկութիւնով լավեց նա, բոլոր քո աշխատանքերդ ոտնատակ արեց; այն ջերմ ու հին պատիւդ, որոնք թողել էին ծեր հայրերդ: Վերջապէս ականատես լինելով դու նորա կեղծութիւնը թողցիր անուշադրութեան ներքոյ ու հեռացար: Պալով նորից քո հայրենիք զգացիր այդ կեանքի վերայ, ներողութիւն խնդրելով ծնողներէց ամուսնացար իմ մօրս հետ, որով վարեցիք երկար սուրբ կեանք: Մայր իմ, անուշ մայր, քանի քեզ լիշում եմ աչքերս լցում են արտասուէնքներով.— անի իմ բազմաերախտ ծնող, վերկաց այդ սառը տապանիցդ ու տես թէ քո միակ որդին ինչպիսի տարակուսանքների մէջ է: Վերկաց և տուր մխիթարութիւններ քո որդու խցուած և անմխիթար սրտին: Մայր, քաղցր մայր, դու դժբախտացրիր ինձ քո մահովդ, տարար քո դեակիդ հետ բոլոր երջանկութիւններս: Ել չուսիմ մէկը, որ կարողանայ թեթեացնել

իմ հոգեկան վշտերը: Ել ուժ պատմեցաւերս, ուժ մօտ գնամ, ուժ գանգատ վիմ իմ թշուառ բախտից: Մայրիկ բաւ աչքերդ ու նայիր քո որդուն նա ցանկանում է ամուսնանալ: Ներիր ինձ մայր ես թողնում եմ քո խրատներ ևս անուշադրութիւնների տակ: Գու ևս բաւ կանի նախազգուշացրիր ինձ քո կենդանւոյ ժամանակներում: Օրինակ էիր տալիս ինձ, քո ամանուղ երիտասարդ ժամանակուայ սխալ կեանքը, որն զղջաց այն ժամանակ, երբ նա բոլորովին անպատիւ էր դառել իր ազգ ու բարեկամների դէմ: Ներկայում ես սիրահարուել եմ մի ուսանողուհու վերայ ու ցանկանում եմ ամուսնանալ և շատ ու շատ անէցքների տէր դառնալ, որը կը թափուէ սիրուհուս մօլբերնից: Այս էր ահա մրմնջում Յովհաննէսը: Լսելով հանեց գրպանից թաշկի նակը սրբեց արտասունքներից թրջուած աչքերը և կարծես թէ նրան զրգվանք պատճառեցին աթոռը, որի վերայ նստած

էր. բարկացկոտ եղանակով բարձրացաւ տեղից ու գնաց մահճակալի վերայ պարկեցաւ, որը դրուած էր սենեակի մի պատի տակ: Մի քանի րոպէներից լետոյ խփեց աչքերը, սենեակը մեռելային գիրք ստացաւ:

Գ.

Բարեպաշտ քրիստոնեաներին իրեկուայ ժամն էր հրաւիրում եկեղեցու քաղցրահնչիւն զանգակները: Օրը մթնեւ ու վրայ էր: Արևը սկսում էր վերջին բարևը տալ քաղաքին և իւր դեղնագոյն անզօր ճառագայթներով պսպղեցնել բարձր շինութիւնների գագաթները: Բանւոր դասակարգի մարդիքը տուն էին վերադառնում, հանգստանալու և ուրախացնելու իւրեանց ընտանիքներին: Ամենքը ուրախ, դիմաւորում էին գիշերուայ մութ խաւարին, որը քիչ լետոյ տիրելու էր աշխարհին: Իւրաքանչիւր տանտիկին թէյ վայելելու պատրաստու-

Թիւններ էր տեսնում: Որը հրամայում էր իւր աղօթիսուն, որը իւր չափահաս աղջկան, որը մանկահասակ նորահարսներին և որն էլ ինքը անձամբ էր կատարում նոյն պաշտօնը: Աերջապէս լոյսը վերջին հրաժեշտներով ողջունեց երկրին ու հէռացաւ իւր ծառայութիւններից, հանձնելով գիշերային թագուհուն տիրել ընդհանուր բնութեանը: Գիշերը ժամանակաւոր ունդունելով այդ ծառայութիւնը, սկսեց աւելի խնամքով կատարել մի և նոյն գործը և ստէպ առ ստէպ ուժեղանալով, որ գործունեայ դառնայ: Այդպիսով փոխեց նա բնութեան գոյնը և մի տեսակ սև արտայայտութիւն ստացաւ որին մենք յերեկոյ ենք անուանում: Այդ միջոցին մի կին, մի թշուառուհի, փողոցից փողոց ընկած, փնտուում էր մէկին: Նա դեռ ինքնահեռ չէր արտրաստել ու չէր էլ ցանկանում թէյ վայելել, ինչպէս, որ ուրիշ կանայք, այլ արտասունքոտ աչքերով խելագարի

նման որոնում էր մի կորուստ: Նրա ըզգեստները, ոտից մինչև գլուխ սև էին, ինչպէս մի սգաւոր այրի: Գլուխը ծածկած էր մի և նոյն սևագոյն մեծ ծածկոցով: Դէմքը նիհարուած, գլխի մագերը ճերմակած, աչքերը մեծմեծ ու զայրացած:— Ել ուր գնամ, որտեղ փնտուեմ նորան, Աստուած իմ, ամեն բարեկամի ու ծանօթների տները գնացի, բոլորիցն էլ հարց ու փորձ արի չկայ ու չկայ: Խօսաց մտքում մեզ ծանօթ ծեր կիներ մօտենալով Հ. եկեղեցւոյ կանաչագարդ բակի դռանը: Նա իւր ձեռները փոքր ինչ բարձրացրեց դէպի երկինք ու նորա գունատ շրթունքները մրմնջացին մի կարճարօտ աղօթք, լետոյ երեսին խաչ հանելուց լետոյ շարունակեց իւր գնացքը: Առնելով յարգելի ընթերցողի հետաքրքրութիւնը ու գնամ նրա լետեկի իմանալու, թէ արդեօք ուր գնաց կամ ինչ նպատակով... Քաւորդ ժամից լետոյ հասաւ նա քաղաքական այգին: Մտնե-

լով այգու մէջ սկսեց փնտռել ամեն կողմերը: Բայց ոչինչ չգտաւ. դուրս գալ մտածեց վերին դռնով ու գնաց մի մեծ շինութեան դռան, մօտ, որը զտնուում էր այգու դէմ: Վայրկեանական մտածելուց, ներս մտաւ մի և նոյն դռնով ու անյայտացաւ շինութեան խուլ սենեակների մէջ:

— Այստեղ ևս չկայ, վերագանալով թաշկինակը ձեռին արտասուէքները սրբելով ասաց կինը. — Էլ որոնելու տեղ չունիմ էլ փնտռելու ու հարց ու փորձ անելու կամք չունիմ: Մութը և վրայ է հասել, մթնեց և սիրտս, սևացել է աչքերս խօսում էր ու հեղեղի նման արտասուէք էր թափում: Տարակուսուած թշուառուհին, դանդաղ քայլերով առաջ էր գնում: Յանկարճ նորա դէմքը փայլուեց ու սկսեց քայլերը արագացնել, կարծես թէ նորա շրուած միտքը մի նոր բախտաւոր բան յիշեց: Կինը դլխի ծածկոցը ուզղելով ասաց ինքը իրեն. — Գը-

նամ տուն գուցէ տուն է վերագարձել. այդ միտքն էր, որ նորա դէմքը փայլեցրեց և քայլերը արագացրեց դէպի իւր բնակարանը: Բայց ով էր այդ խեղճ կինը, այդ թշուառ արարածը, որ այդքան ժամերով, մութ գիշերուայ մէջ, ընկած փողոցից փողոց, կամ նա ումն էր որոնում այդպէս արտասուալի աչքերով: Իսկ մայր էր մի դստրի, որի աղջիկը առաւօտեան ժամի ութից, մինչև յիշեալ ընկածն անյայտացած էր: Ոչ ոք չէր այդ կինը, եթէ ոչ, մեզ ծանօթ Նադեալի այրի մայրը:

Այրի, կնոջ բնակարանը բաւականի հեռաւորութիւն ունէր քաղաքի կեդրոնից: Նորա դրացուհիները խառնուել էին միմեանց ու բոլորը միասին հաւաքուել էին բակի մեծ դռան մօտ և գանազան տեսակ կարծիքներով, մարգարէութիւններով ու դատողութիւններով էին զբաղուած: Մէկը, նրանցից ասում էր. — Ես այսօր առաւօտեան տեսայ նը-

րան ուսումնարան գնալիս, բայց ձեռի
զրքեր չունէր: Միւսը աւելացնում է
— այո առաւօտեան նա շատ վաղ է
արթնացել. երրորդը, — կարելի է մէկ
հետ սիրահարուել է ու նրա հետ է
փախուստ է կրել. միթէ դուք չէիք նը
կատում նորա աչքերի հետաքրքրութիւն
ները, որ մի այնպիսի հայացք էր ձգու
մարդու վերայ, քիչ էր մնում իւր հա
կառակորդին կլանել իր փայլուն աչքե
րով: Զորորդը դրանց կարծիքները ծած
կելու համար, ասաց.

Գուցէ, նա իւր ընկերուհիներին մօտ
նէ, ինչո՞ւ դուք այդպիսի դատողութիւն
ներ էք անում:

— Ոչ ոչ, նա ոչ մի ընկերուհու մօտ
չէ, մենք նորա ընկերուհիներ լաւ գիտենք
որ առանց մօրը իրաւունքի ոչ մի տե
ղի հեռանալ, ասաց երրորդը, չորրորդին
Սյուպէս, ահա խօսում էին դրացուհիներ
ըր միմեանց հետ ու սպասում էին դը
ռան մօտ, երկու անձնաւորութեան:

— Բաւական է որքան այս դռանը
մօտ կանգնեցինք, ասաց դրացուհիներից
մէկը:

— Մի քանի բոպէներ ևս սպասենք,
գուցէ վերադառնում են, պատասխանեց
մի ուրիշը:

Վերջապէս մեր դրացուհիները իւր
եանց նպատակներին հասան: Փոքր ժա
մանակից լետոյ ներս մտաւ կայծակի
արագութեամբ մի կատաղած աչքերով
կին, որը տեսնելով իր դրացուհիներին
բակի դռան մօտ կանգնած, իսկոյն կանգ
առաւ, մնաց լուռ ու փայտացած: Կար
ծես թէ նորան թւում էր, որ իր յոյսե
րը կատարուած չպէտքէ լինէին, նա սիրտ
չէր առնում հարցնել դրացուհիներից իւր
կորուստի մասին, որ մի գուցէ անյաջող
պատասխան կըստանար: Սյուպէս մի քանի
բոպէներ սառած կանգնելուց լետոյ, հա
ւաքեց իր ոյժերը, դարձաւ դէպի դը
րացուհիները ու հարցրեց մեղմը և լոգնած
ձայնով:

—Միթէ նա դեռ տուն չի վերա-
դարձել:

—Ոչ. ամենքը մի կողմից ասացին
դրացուհիները:

—Ահա մի սարսափելի դժբաղդու-
թիւն, որ շրջապատեցին իմ շուրջը: Աս-
տուած իմ, այս ծերութեան օրերումս
սա և պէտքէ տեսնէի ու սպիտակած
վարսերս հողին հաւասարէի: Ո՛հ բաւա-
կանի մեծ ձախորդութեան հանդիպեց
իմ պատիւս: Այն պատիւներս, որն ես
պահպանել եմ սրբութեամբ մինչ այսօր:
Ախ նահեա, նահեա, այդ ինչ է քո ա-
րածը: Միթէ դու ցանկանում էիր, որ
ինձ խայտառակուած գերեզման տանեն.
Ո՛հ, դու անառակ աղջիկ: Միթէ այդ
էր քո ուսումնարանում ուսումնասիրու-
թիւններդ: Ախ թող կուրանան իմ աչ-
քերս, խլանան իմ ահանջներս, որ չլսեն
ոչ մի խայտառակ լուրեր: Մահ, մահ,
ուրես եկ, տար իմ հոգին էլ չեմ կամե-
նում խայտառակուած ապրել:

Այսպիսի աղեկտուր խօսքերով, և
հեկեկալով թողեց դրացուհիներին իւր-
եանց տեղերը ու ինքը հեռացաւ դէպի
իւր բնակարանը:

—Խեղճ կին, ասաց նրանցից մէկը,
այրի կնոջ անյայտանալուց լետոյ: Շա-
տերն ասում են, աղջկան ուսում պէտ-
քէ տալ, որ ուսմով ու կրթուած լի-
նի: Ահա սա, էլ ուսմով ու կրթուած
օրիորդ. նախցէք թէ, ինչ խաղ խաղած
իւր ծերունի մօր հետ. և ո՞վ գիտէ՝ թէ
ինչ հետեանքներ կունենան նադեաի
անյայտանալը:

—Ուսումն ու կրթութիւնը բոլո-
րովին լանցաւոր չէ, եթէ ուսանողը
վատ վարքի տէր է: Դուք դատում էք
բոլորովին սխալ. ձեր կարծիքներով բո-
լոր ուսանողուհիները պէտքէ մի և նոյն
օրինակին դիմեն ինչին որ նադեան դի-
մեց: Ոչ, ոչ թողէք այդպիսի դիտաւո-
րութիւնները, հաստատ և ճշմարիտ
իմացած եղիք, որ բոլոր համեստուհի

ուսանող բերում է մեծ փառք ու պատիւ իւր ծնողների ու բարեկամներուն վերայ, պատասխանեց երկրորդ կինը:

— Ինչ ենք, այս մութ տեղը կանգնել, գնանք սենեակ և այնտեղ խօսենք աւելացրեց երրորդ կինը խնդրելով ընկերուհիներին, որ գնան իր հետ միասին իւր բնակարանը: Իրացուհիները չմերժելով երրորդի խնդրքը խմբով մտան նրա սենեակը:

✓ — Դուք ասում էք թէ, սկսեց խօսալ երկրորդ կինը ամենքի հետ, փոխում է ուսումը օրիորդների վարքը ու նրանց ղէպի վատն է տանում, իսկ ես հաստատում եմ զրա հակառակը, թէ ուսումն ու կրթութիւնը աւելի բարձր վարքի ու համեստութեան մայր է, քան խուլ, ճպռոտ ու կեղտոտ տգիտութիւնը: Բիւր հազարաւոր օրիորդներ ցոյց կտամ, որ զուրս գալով տգիտութեան խորքերից, վազելով մտել են ուսման ու կրթութեան ասպարէզների մէջ, ուսում-

նասիրելով, կրթուելով, դարձել են ուսումնագիտ, խելացի և բաղգաւոր մայրեր:— Ուսումն բաց է անում այն կեղտոտութեան վարագոյրը, որը տարիներով ծածկուած է մնացած: Գիտութիւնը հանում է այն վարագոյրի լետեկից գարշահոտ ու կեղտոտ տգիտութիւնը և փոխարէնը գնում է անուշահոտ ու ըսքանչելի մաքուր իմաստութիւններ: Ոչնուամենայնիւ թողնում է բաց լիշեալ վարագոյրը, որի հօտից և գործերից բուր ստեղծուածները զմայլուին ու իմանան, որ ոչինչ ծածուկ գաղտնիքներ չունի ուսումն և գիտութիւնն:— Երևակայեցէք և մտաբերեցէք մեր օրիորդ ժամանակները: Մեր ծնողները մեզ արգելում էին, չերևալ ոչ մի տղամարդկանց առջև. «ամօթ է» նրանք մեզ ուսուցանում էին, «աղջիկը իրաւունք չունի երևալ ոչ մի մարդկանց առաջև բացի իւր հասակակից ընկերուհիներից:» Մենք, ևս կատարում էիք նրանց սարսափելի

Տրամանները: Բայց զիտէք թէ մեր
 սրտերը մեզ ինչ հարցեր էին առաջար-
 կում:» Ինչո՞ւ մենք պետքէ ծածկուենք,
 ինչո՞ւ մենք չպետքէ խօսանք տղամարդ-
 կանց հետ, այդ ինչ է նշանակում:» Մեր
 քնքոյշ սրտերի մէջ ծագում էր մի այս-
 պիտի կասկածանքներ և հէնց այդ կաս-
 կածանքներն էին, որ մեր սրտի զգաց-
 մունքները, մեր աչքի լոյսերը, գողու-
 թեան պաշտօն էին ստանում: Այն ժա-
 մանակներում մենք օրիորդներս, երբ
 տեսնում էիք մի ծանօթ կամ անծա-
 նօթ և կամ բարեկամ երիտասարդներ,
 մենք իսկոյն փախչում էիք ծածկում
 մի անկիւնում ինչպէս, որ մեր ծնողնե-
 րը մեզ դաստիարակել էին: Հիմայ դուք
 նայեցէք թէ մենք մեր ծածկուած տե-
 ղերից ինչեր չէիք անում: Ժողովում
 էիք մենք մեր բոլոր ոյժերը մեր աչ-
 քերի լոյսի մէջ ու սկսում էիք նայել
 ծածուկ, այն էակին որին մեզ արգե-
 լուած էր: Մենք մեծ հետաքրքրութեամբ

ցանկանում էիք հասկանալ այն պատ-
 ճառները, թէ ինչու մեզ արգելում են,
 որ չխօսալ և չերևալ տղամարդկանց աչ-
 քերին: Աերջպպէս երկար քննելուց լետոյ
 մենք հասկացանք թէ բանն ինչումն
 է, այն ժամանակ մենք դառնում էիք
 անորոշ սիրահարներ, դէպի ընդհանուր
 երիտասարդները: Եթէ նրանցից մէկը մի
 որևէ ծածուկ տեղ ընկներ մեր ճանկե-
 րը մենք ալ և ալի չէիք խնայիլ մեր
 քաղցր կեանքը նրանցից, որովհետև մեր
 ծնողները, մեզ կարօտ էին թողել երի-
 տասարդներից: Այժմ ներկայ կեանքը,
 ներկայ ուսումը և գիտութիւնը բաց է
 արել այն վարագոյրը, որի լետում
 ծածկուած էիք մենք. նա էլ կարօտ
 չիթողնում օրիորդները երիտասարդնե-
 րից: Ինչպէս ասացի ներկայ ուսումը ու
 գիտութիւնները հասկացնում է, թէ
 ուսանողներին և թէ ուսանողահիներին
 ամենայն տեսակ կեանքերը, հասկացնում
 է նա և չարն ու բարին, ըմբռնեցնում

է նրանց խելքի ու ուղեղի մէջ, թէ որն է չար ու վնասակարը, և կամ բարի ու օգտաւէտ: կեանքերը: Ասացէք խնդրեմ ինչով է մեղաւոր, կինը կամ օրիորդը երբ նա իր մօր արգանդում աղջիկ է գոյացել: Նա, այն փոքրիկ անմեղուհին արդեօք ինչ լանցանքի տէր է, որ Աստուած նրան աղջկայ մարմին պարգևեց, ծնուելով, երկար ու երկար տարիներ բանդարկուած մնան, մինչև նորից կըրկին հողի արգանդ մտնելը: Ինչով բաղդաւոր է փոքրիկ տղան, երբ նա բնութիւնից տղայի կազմուածք ստացաւ, ծնուեցաւ բաղդաւոր, մեծացաւ ու բոլոր իրաւունքները խլեց զժբողգ օրիորդներից ու կանալքից: Ապրելով երկար տարիներ ու մեռաւ զարձեալ բաղդաւոր: Ահա մտաբերեցէք թէ որքան դժուար էր մեր ժամանակներում օրիորդներին համար, թէ որքան ծածկուած ու խիստ հսկողութեան ներքոյ էիք պահուած: Այն, ներկայ դպրոցները չեն հաս-

տատում այդ սարսափելի ժանգաճոտ օրէնքները, այլ նրանց հաստատութիւնները այնէ, որ իգական և արական ըստեղծուածներ բոլորը մի իշխանութիւնով պէտքէ ապրեն: Ծնողները չպէտքէ տարբերէն դրանց պատիւները միմիանցից: «Ինչու, ամուսինը իւր կնոջից աւելի իրաւունքների տէր պէտքէ լինի, թէ տնային գործերում և թէ դրսի գործերի մէջ, հարցնում է լուսաւորութիւնը, չէ որ կինը միւսնոյն իշխանութիւնը պէտքէ ունենայ, ինչ որ ամուսինը ունի:» Հաստատում է այդպիսի օրէնքներով այն պայծառ գիտութիւնը և ուսումը որտեղ, որ սովորում էր և Նազեան:

— Ահա այդպիսի քարոզութիւններ են լսում ուսանող օրիորդները, որ այդքան կատաղում են: Թողնելով մօրը արտասունքի և ցաւակցութիւնների մէջ... երկրորդի խօսքը կտրելով ասաց զբացահիւսելից մէկը. որը բոլոր խօսակիցներից հասակաւորն էր:

— Ես կարծում եմ, թէ այն քարոզութիւնները, որն լինում է ուսումնարանների մէջ, երբէք ուսանողներին վշտաստեղծութիւններ չեն, այլ միմիայն բարի ու բազմապատիւ, օգտալի ապագաներ, սլատասխանեց երկրորդը:

— Հն, հն, հն, ծիծաղեց հասակաւոր կինը, — գրանից էլ մեծ վնաս, եթէ Նադեան ուսանող չլինէր, այսօր ամբողջ օրը կորած չէր լինիլ:

— Բայց գիտես քույրիկ, ուսումը բընաւին յանցաւոր չէ Նադեան կորստեան պատճառով: Ուսումնարանում չեն սովորեցնում ուսանողներին, որ թողնեն իւրեանց հայրական տները ու փախուստ կրեն իր հարազատ ծնողներից: Յանցանքները նորա տնային դաստիարակութիւնումն է, եթէ Նադեան տեսած չլինէր այդպիսի վարքեր կամ լսած իւր ազգութեան մէջ ու այդ կեղտը խառնուած չլինէր նորա արիւնների հետ, նա երբէք ընդունակութիւն չէր ունենալ փախուստ կրելու

ու պատճառ դառնալ ու շատ ռամիկ մայրերի, որոնք կը դատեն այնպէս, ինչպէս որ դուք էք դատում ասելով, թէ ուսումը ու կրթութիւնը վնասում է օրիորդների վարքերին: Բայց պէտքէ այդ դատակարգի մայրերն լաւ հասկանան, որ ուսումը մաքրում է բնութիւններ, վարքեր ու համեատութիւններ ժառանգային կեղտերից: Մաքրելով հեռացնում է, հեռու վտիտ կեղտը ու առնում է իր գիրկը, սուրբ մաքրութիւնը: Պահում պաշտպանում և ապագայում գիտուն ու իմաստուն մարդ դարձնում: — Աւելի պարզն ասեմ. շարունակեց նա, — մի փոքրիկ օրինակով: Մենք կանայքս կարծեմ բոլորներէս էլ պատահած կըլինեն: Մեր կոտրատուած զարգերի կտորները ժողովելով, (արծաթի կամ սկիւ), կամեցել ենք մի ուրիշ բան պատրաստելու: Գորա համար հրաւիրած կըլինենք մի ոսկերիչ վարպետ և խնդրած որ նա նույն մետաղները ձուլէ և մի հարկաւոր զարդ

պատրաստէ, ՚իհարկէ մեր ոսկու կամ արծաթի ծանրութիւնները համեմատ: Արարեալք անշուշտ կըկատարէ մեր պատուէրները: Նա կառնէր իւր փոքրիկ կշիռը ու մեր ներկայութեամբ կըկշիռէր: Տանելով իւր հետ մետաղէնը կըսկսէր գաղափարի մէջ կազմել վերոյիշեալ պատուէրը: Զուլելով կածէ գաղափարը տաք հեղուկը իսկ միւս ձեռով կըմաքրէ հեղուկի երեսի կեղտը, որ գործը աւելի մաքուր լինի: Մի քանի ժամերից լետոյ գաղափարը կըքանդէ և հոգի միջից դուրս կըհանէ նոր պատրաստուած մեր ճաշակին համեմատած պատուէրը: Առնելով ոսկերիչը բերում է ու մեզ հանձնում մեր գործը: Այժմ խնդրում ենք վարպետին, որ նորից կշիռէ նոյն մետաղը: Մենք կըտեսնեք, որ այն քաշն չի քաշում ինչ որ զրա կտոր, կտոր ժամանակն էր:

Ինչ եղաւ մեր տուած մետաղները ինչու այսքան պակաս պէտքէ կշիռէ

կըմտած ենք այդ անկասկած: Արդեօք վարպետն գողացաւ թէ գաղափարում մնաց տաք հեղուկը կամ թափուելով փչացաւ: Բայց ոչ սիրելի քույրերս, ոչ վարպետն էր գող և ոչ գաղափարն էր ծակ, սակայն նորա պակասութիւնը այն, է որ մեր տուած մետաղը մաքուր չի եղել: Ոսկերիչը հաւաքեց նորա կեղտը ու դէն ձգեց, անկասկած, որ նոյն չափով չիկշիռիլ նոր պատրաստուած զարդը, ինչքան որ մեր տուած ոսկին կամ արծաթն է եղել:—Ուրեմն նմանապէս են ուսումը կամ ուսումնարանների ուսուցիչների սովորացրածները: Երբ ուսանողը վատ է սովորում կամ վարքերը փոխում է, դանման է այն կեղտոտ մետաղին որն վարպետը հաւաքելով դէն ձգեց: Ուսումնարանը և դպրոցները նմանում են յիշեալ գաղափարին որ մէջ բովանդակուեց մեր նոր տուած զարդը. իսկ ուսուցիչները ոսկերիչին է որը ընդունեցին մեր պատուէրները: Մաքրելով բո-

լոր ուսանողները վարքերը:

Այդպէս ահա յարգելի քույրերս. ասաց նա. ուսումնարանը երբէք և իցեմեղաւոր չէ, թէ Նազեաի արիւնները կամ սրտի խորքերը կեխտով լի է եղել: Ուսուցիչները առնելով նրան, որ դարձնեն բոլորվին մի ուրիշ զարգ բայց Նազեան ինքը իր կեխտոտ սրտի ոյժը հանձն առնելով, թողեց բաղդաւոր ուսումը ու վաղեց դէպի այն կողմը, դեպի այն ձայնը որտեղ իր սիրտն էր ցոյց տալիս, բացի դրանից ուրիշ ոչ կերպ չէր կարող լինել:

Այս խօսքերով միմեայն կարողացաւ երկրորդ դրացուհին մի կերպ համոզացնել մնացած երեք դրացուհիներին թէ ուսումը յանցաւոր չէ այդպիսի մոլորող դէպքերում: Ուստի տեսնելով թէ իր խօսքերը ինչ տպաւորութիւններ թողեց նրանց վերայ, տեղից վեր կենալով փոքր ինչ ուրախ ձայնով բարի գիշեր մաղթեց, կամենում էր դուրս գնալ սենեակից: Նոյն օրինակին դիմեցին և մնացած երկու կանայքը:

Ե.

Երկու օր շարունակ Նազեան մնացել էր անյայտացած: Երրորդ օրը առաւօտեան մի ոստիկան մօտեցաւ այլի կընոջ դռան ու խնդրեց, որ ցոյց տան Նազեաի մօրը: Այլին տեսնելով ոստիկանին կարծես թէ համբացաւ: Երկու տեսակ մտքեր նրան լեղափոխեցնում էին: Նա մերթ մտածում էր, մի գուցէ մի սարսափելի դժբաղդութիւն է պատահել, որ ոստիկանը այսքան վաղ իրան հաղորդելու է եկել իր կորած աղջկայ մասին: Մերթ և մտածում էր, — Նազեան կարելի է գտնուել է ու այս մարդը բարի համբաւ է բերել: Մինչ դեռ այլին այդպիսի մտքերի մէջ ընկղմուած էր ու ապշած նայում էր իւրեան դիմաւորողի երեսին, ոստիկանը խանգարելով նորա լուսթիւնը հարցրեց մեղմօրէն: Գուք էք Սոֆիա Գրիգորեվնան:

— Այո՛, ես եմ. պատասխանեց այլին:

— Չեզ այսօր ժամի տասն ու մէկին
Մ. Քահանան հրաւիրեց իր տունը այն-
տեղ և լինելու է այս թաղի ոստիկանա-
պետը:

— Բայց քահանան ինչ բանի հա-
մար է ինձ հրաւիրում:

— Ինձ դորա մասին ոչինչ յայտնի չէ:

— Սպա ով ողարկեց ձեզ ինձ մօտ:

— Երէկ երեկոյեան ոստիկանապետը
ինձ հրամայեց, որ այսօր կանուխ ձեզ
յայտնեմ մի և նոյնը:

— Իսկ դուք իմ աղջիկայ մասին
ոչինչ չգիտեք:

— Ոչինչ:

— Ես մի քանի օր առաջ յայտնել
էի ոստիկանապետին որ իմ աղջիկը ան-
յայտացել է, միթէ դուք դորա մասին
ոչինչ չէք լսել:

— Ինչպէս չէ, մեզ հրամայուած է,
որ երբ գտնենք նրան անշուշտ պէտքէ
հանձնենք ոստիկանապետին.

— Գուցէ գտել են նորան:

— Ոչինչ չ'գիտեմ... Ուրեմն այդպէս
այսօր անշուշտ կրներկայանաք քահա-
նային, խօսքերին վերջաբանութիւն տա-
լով, ասաց ոստիկանը ու հեռացաւ:

Քահանան, ապրում էր քաղաքի
ընդարձակ փողոցների մէկի վերայ: Նո-
րա առանձնասենեակը զարդարուած էր
միջին ճաշակով: Պայծառ լուսամուտնե-
րի առջևում դրած էր մեծ ու ընտիր
գրասեղան, որի կանաչ մակերևոյթի
վերին կողմը ծածկուած էր բազմաթիւ
գրքերով: Սենեակի մի անկիւնում տե-
ղաւորուած էր մի պահարան, որի մէջը
կար փառայեղ կազմերով գրքեր: Կար և
սենեակում մի մահճակալ որի վրայ տա-
րածուած էին մաքուր անկողին: Սենեա-
կը գուրկ չէր և մի քանի աթոռներից:
Երկու անձնաւորութիւններ նստած
էին գրասեղանի առաջ միեւնոյն սենեա-
կում, լուռ եղանակով խօսակցում էին
իրարու հետ: Դրանցից մէկը հոգեւորա-
կան քահանայ էր, իսկ միւսը աստիճա-

նաւոր ոստիկան:

— Գուք ինչ խորհուրդ էք տալիս, պարոն ոստիկանապետ այս երկու սերահարուած երիտասարդների մասին, ասաց քահանան իր խօսակցին:

— Ես, ոչ մի արգելքներ չեմ ունենալ, այդ սիրահարուածները դէմ, պատասխանեց աստիճանաւորը: — Իսկ նորանք այժմ որտեղ են գտնուում:

— Այստեղ ինձ մօտ են երկուսն էլ: Երբ նրանք ինձ յայտնեցին իւրեանց գաղտնիքները, ես խնդրեցի, որ երկուսն էլ զիշերեն ինձ մօտ, մինչև ձեզնից համաձայնութիւն ստանամ:

— Ես, այդ գործի դէմ բոլորովին համաձայն եմ տէր հայր, բայց և հրաւիրել եմ օրիորդի մօրը, թող նորան ևս համաձայնեցնենք, որ իր աղջիկը, ամուսնացնու՞մ ենք մի լաւ երիտասարդի հետ.

— Աւելի ուրախ եմ, պատասխանեց քահանան:

— Ուր են նրանք, հրաւիրեցէք

ներս. ես ցանկանում եմ տեսնել. ասաց ոստիկանապետը.

Այս խօսքերը լսելով քահանան տեղից վերկացաւ դուրս գնաց միջին դռնով ու անյայտացաւ: Փոքր ժամանակից լետոյ նա կրկին մտաւ սենեակը երկու երիտասարդների հետ: Դրանցից մէկը օրիորդ էր, իսկ միւսը հայ երիտասարդ: Երկուսն խոր գլուխ տալով ոստիկանապետին մնացին կանգնած:

Աստիճանաւորը խնդրեց, որ նստեն երկու նորեկներին ու դառնալով դէպի օրիորդն ու ասաց:

— Դ՛նք էք, միւսն ուսանողուհին, որի մասին պատմում էր մեր քահանան:

— Այո, պատասխանեց օրիորդը:

— Իսկ դուք, ինչ նպատակով էք հեռանում ուսումից:

— Որովհետեւ այլ ևս ընդունակ չեմ ուսանելու:

— Ինչն է ձեզ խանգարում:

— Բարի ոստիկանապետ, պատասխանեց օրիորդը. ես բոլորը պատմել եմ այս հոգևոր տէրին, թէ ինչու հեռանում եմ ուսումից կամ թէ ինչն է ինձ խանգարում: Սակայն բաւականի յուսով եմ, որ նա ձեզ ևս պատմած կըլինի, իսկ թէ դուք ցանկանում էք, որ ինձանից յատկապէս լսէք միւսնոյնը, ես աւելնորդ չեի համարիլ պատմիլ բոլոր նպատակներս:

— Խնդրեմ համառօտ պատմեցէք:

— Ես ինչպէս մի ուսանողուհի իմ դասերիս մէջ, աւելացաւ աւելի հարկաւոր իմ սրտին, աւելի հետաքրքիր մի սէր: Նոյն սէրն յառաջ ընթաց եղաւ բոլոր ուսումնական դասախօսութիւններից: Սիրահարական գաղտնի դասը աւելի ուժեղ գտնուեցաւ, քան թէ ուսումնականը: Սյդ ուժեղ ներգործութիւնը տարածեց իմ մատաղ սրտի վրայ իւր բոլոր կրակօտ գծերը:

Կրակը, իմ սրտի մէջ օրից օր աւել

լանալով: բոլորովին հեռու խռկեց ուսումնական լսողութիւններս ու ինքը տիրեց իմ խելքիս ու մտքիս վրայ: Սյն օրուանից դարձայ ես գերի, այն անխաւար հուրին: Սէրը վարակեց իր բոլոր բացիւններով իմ ամբողջ երակների արիւնը, դարձրեց ինձ անբժշկելի հիւանդ: Հիւանդութիւնս մեծ քանակութեամբ սաստկացաւ և հազիւ թէ կարողանում էի ոտքի կանգնել: Ինչ անեմ, մտածում էի ես, ուսումնարանում ինձ ծոյլ աշակերտուհի են անուանում, որովհետեւ չ'պատահել մի այնպիսի օր, այդ երկար ամիսների ընթացքում, որ զոնէ մի դասերիցս ընդունակ լինէի, իսկ տանը մայրս է ինձ սարսափելի կերպով ծեծում և ստիպում է որ յառաջագէմ լինեմ: Բայց նա չէր հասկանում, որ ես սիրահարուած եմ: Նոյն սէրը խլել է ինձանից ուսումնարանի բոլոր աշխատասիրութիւններս, ու առել է իր գրաւիչ գերկը իմ ուշադրութիւններս: Վերջապէս

մուրբուած, խելագարի ձև ստացած, ոչ մի հնար չէի կարողանում գտնել որ մի կերպ դոնէ թեթեւացնեմ վշտերս: Պատմում էի բոլոր սրտիս կսկիծները այս երիտասարդին: Սա և վշտանում էր իմ պատմութիւններովս ու միշտ սիրտ էր տալիս ինձ ասելով, «համբերիր նազեա միմիայն համբերութիւնը կարող է վերջ տալ մեր բոլոր ցաւերին»: Իսկ ես տակաւին թող արարած լինելով երկար համբերելու ոյժ չունեցայ, պայման դրի սրտիս մէջ, որ հեռանամ ու փախուստ կրեմ իմ հայրական տնից: Գնամ այնտեղ, որտեղ աւելի թեթեւեն ցաւերի թուերը: Կատարեց իմ խնդիրքը և այս բարի երիտասարդը: Երկու օր առաջ թողեցի իմ այրի մօրս առանց ուշադրութեան ու վազեցինք երկուսըս ահա այս քահանայի տունը, որ վերջ տալ մեր չարչարանքներին: Արժանապատիւ տէրհայրը չ'ընդիմացաւ մեր խորհուրդներին յանձնառու եղաւ, որ այս գիշեր ան-

պատճառ ամուսնացնէ մեզ, որ այլևս, ոչ մի լեզու չունենան իրաւունքներ մեզ յանդիմանելու: Այժմ դուք, մեծապատիւ ոստիկանապետ, իհարկէ լսեցիք իմ համառօտ պատմածներս, ինչ կարող էք ասել մեր ամուսնութեան մասին, արդեօք թող էք տալիս թէ ոչ, խօսքերը վերջացնելուց լետոյ հարցրեց աստիճանաւորից՝ օրիորդը:

— Իսկ ձեր մայրը, նա ոչինչ չգիտէ ձեր ամուսնութեան մասին:

— Ոչ, ոչ. Աստուած իմ, նա որ գիտենայ...

— Նա շուտով կը դաս ալստեղ, ու մենք նրան կը համոզացնենք:

— Միթէ յայտնել էք նրան. ասաց օրիորդը վախենալով: Գուք բոլորովին իզուրէք հրաւիրել նրան: Այստեղ ինձ տեսնելուն պէս, նա իր բոլոր ուշադրութիւնը կը կորցնէ բարկութիւնից:

— Ոչ օրիորդ, այսուհետև նա իրաւունք չի ունենալ, ձեզ վերայ ասաց ոս-

տրկանապետը:

— Նա, բարկացած ժամանակը ոչ մի իրաւունքներ չի հասկանում պատասխանեց Նազեան:

— Մենք նրան կը հասկացնենք, ասաց աստիճանաւորը, ու դարձաւ դէպի հայ, երիտասարդը որը լուռ նստած էր:

— Իսկ դուք պարոն, միւսնոյն համաձայն էք օրիորդի ասածներին և սրտով ցանկանում էք ամուսնանալ այս ուսանողուհու հետ:

— Այն, բարի ոտիկանապետ, ես համաձայնում եմ, իմ սիրուհուս բոլոր խորհուրդներին և սրտով ու հոգով ցանկանում եմ ամուսնանալ այս ուսանողուհու հետ:

Այսպիսի խօսակցութեան մէջ էին սենեակում. երբ քահանայի աղախինը դուռը բաց անելով ներս մտաւ առանձնասենեակը, խանգարելով նրանց խօսակցութիւնը ասաց:

— Տէր-հայր, մի կին Ձեզ սպասում է:

— Ահա եկաւ նա, ասաց քահանան ու դուրս գնաց դիմաւորելու նորեկ կընտրել:

Սենեակում տիրեց մեռելային լուրժիւն: Օրիորդը և երիտասարդը վերցատկեցին տեղներից ու գնացին դէպի պատի կողմը, կարծես թէ, նրանք կամենում էին մի տեղ. մի անկիւնում անյայտանալ որ իրանց չ'տեսնէ նորեկ կինը: Մինչ դեռ նրանք այս ու այն կողմըն էին նայում որ հասնեն իւրեանց նպատակներին, երբ լանկարձ քահանան ներս մտաւ միւսնոյն դռնով, մի միջահասակ կնոջ հետ:

Նորեկ կինը բարեւելով աստիճանաւորին, կամենում էր նստել իրան ցոյց տուած աթոռի վերայ, լանկարձ նկատեց իւր աղջիկան, որը կանգնած էր պատի տակ: Նա զարմանքից սառաւ, էլ չկարողացաւ նստել, միմիայն մի քանի խօսքեր դուրս թռան նրա բերանից:

— Նազեան, աղջիկս այդ որտեղ ես

այս երեք օրը:

Օրիորդը չպատասխանեց այլ լուռ կարմրելով գետնին էր նայում:

Այրին տեսնելով իր աղջիկայ լուռ-թիւնը ու ամօթից կարմրելը, խկոյն հասկացաւ, որ նա մի գողտնիք ունի, սակայն բարկանալով կրկնեց:

— Լսիր քեզ եմ ասում. ուր էիր այսքան ժամանակ, միթէ լեզուդ կտրել են, ինչ ես լուել պատասխանիր ինձ.

Օրիորդը դարձեալ լուռ էր, նա երկար չգիծանալով մօրը յանդիմանութիւններին, սկսեց լաց լինել, բայց բօլորովին խուլ եղանակով: Քահանան և ոստիկանապետը տեսնելով այրի կնոջ բարկութիւնը և օրիորդի դառն արտասուենքները, ուստի չ'գիծացան, այս անվայել վարմունքներին, քահանան միջամտեց և ասաց այրի կնոջը բոլորովին քաղաքավարութեամբ:

— Ներիր մայր, դուք շուտով կ'իմանաք թէ որտեղ է եղել նա, ինչու իզուր

բարկանում էք:

— Տէր-հայր, այս օրիորդն իմ աղջիկն է, սա երրորդ օրն է, որ անյայտացել է անից, բաւականի չարչարվելուց ու ամեն բարեկամից հարց ու փորձ անելուց չետոյ յայտնեցի այս պ. ոստիկանապետին իմ աղջիկայ կօրստեան մասին, այսօր ես նրան գտնումեմ այստեղ ձեր տանը, ինչպէս չ'բարկանամ, պատասխանեց այրին կատաղած աչքերը դարձնելով քահանայի վրայ:

— Համբերեցէք մայր. ամեն բան կ'պարզուի հիմայ ձեր առաջ, դուք նախ և առաջ ասացէք ձեր օրիորդը քանի տարեկան է:

— Իմ աղջիկը, տասնուվեց տարեկան է:

— Շատ լաւ:

Բայց ինչն էր ձեզ ստիպում իմանալ իմ աղջիկայ տարիքը:

— Սոֆիայ Գրիգորեւնա! ասաց քահանան. ձեր աղջիկը բոլորը պատմել է

մեզ իր տնից հեռանալու պատճառը, մենք չենք գտնում քո աղջկայ վարձուների մէջ մի այնպիսի սխալ, որ կարողանաք մեղադրել նրան: Այն ինչ որ պահանջում է ձեր օրիորդը, այդ հարցին մենք բոլորս համապատասխան պէտքէ լինենք, որովհետեւ, ընդհանուր աշխարհայդպիսի պահանջները երբէք անուշադիր չեն թողնում: Ձեր աղջիկը գալով ինձ մօտ պատմել է իր գաղտնի ցաւերը, խոստովանվել է, որ այլևս այն ցաւերը տանելու յատկութիւն չունի: Այս օրիորդը որը կանգնած է մեր առջև, ստերկու օր առաջ, ծնկաչոք խնդրում էր իր սրտի կօկիծներին և անտանելի վըշտերին մի կերպ թեթևութիւն ինձնից: Զգալով օրիորդի դառնութիւնը, խրատուեցի նրան, ամեն մի կերպ յոյս տուի, որ անմիջապէս հասցնեմ քո աղջկան իր բարի նպատակին ձեր անկեղծ օրհնութիւններով:

Լսելով օրիորդը իմ խօսած ունքներս

բաւականի մեծ ուրախութեամբ համուրեց իմ աջս և խնդրեց ապրել իմ տանը մինչև կատարեմ խոստմունքներս: Ես ուրախութեամբ ընդունեցի, ու հաղորդեցի այս անցքը պ. աստիճանաւոր ոստիկանապետին, որ նա ևս վերահասու լինի սրանց գործերին: Բարի ոստիկանապետը հրաւիրեց ձեզ, որ ձեր օրհնութեամբ կայանայ այս խորհուրդը: Բաւականի մեծ յոյս ունենք, որ դուք երբէք ձեր աղջիկայ վատը չէք ցանկալ:

— Ես չեմ հասկանում թէ դուք ինչ էք ուզում ասել և կամ թէ, իմ աղջիկը ինչ խորհուրդի տէր է, դարձեալ չ'գիտեմ:

— Ինչպէս ասացի ձեր աղջիկը սպասում է ձեր օրհնութեանը, այդ կլինի այն օրհնութիւնը, երբ մայրը ընտրում է իր գաւակի համար մի ընկեր, բռնելով իր սիրելի որդու ձեռքը տալիս է իւր բարիհաճած ընկերոջը ասելով. գրնացէք որդիքս Աստուած ձեր բարին:

տայ. և այլը: Այդ օրէնքները տնօրէյ
են. մեր նախնիքները, հայրապետները
հաստատել ու ճշտութեամբ պահել և
ամրացրել են: Մենք ևս պարտական
ենք, ամեն մի կերպ, ամենայն սրբու-
թեամբ տարածել այդ սուրբ օրէնքնե-
րը որի մասին հէնց և ձեզ հրաւիրել
ենք: Կարծեմ ձեզ հիմայ հասկանալի է
ձեր ազջիկայ խորհուրդները, այնպէս չէ
Սոփիա Գրիգորեան:

—Ոչ դեռ ես ոչինչ չ'հասկացայ:

—Ուրեմն լսեցէք այժմ ասեմ, ձեզ
ամենապարզը, շարունակեց քահանան.
ձեր ազջիկը, մի քանի ամիս սրանից ա-
ռաջ տեսնում է մի երիտասարդ: Երի-
տասարդները տակաւին համակրում են
միմեանց և սիրում: Սէրը այն աստիճա-
նի մտնում է, այդ երկու անձանց մէջ,
որ սրանք մօռանում են ամենայն մի
աշխատանքներ: Օրիորդը ծուլանում է
ուսման մէջ, այն նպատակով, որ նա
միայն մտածել է սկսում սէրի վրայ: Նո-

րա միակ ուսումը միակ ուսումնարանը
այն էակն է, որին սիրել է, որի սիրոյ վա-
րակիչ բոցավառութիւնը վարակել էր
նրա մարմնոյ բոլոր շղերը: Ս.հա այդպի-
սով օրից օր աւելի ու աւելի ամրապն-
դուել է սէրը նրա մէջ և բազմաթիւ
արմատներ է արձակել, որն ներկայում
քաղահասն անելը բոլորովին անհնարին
է: Այն, իզուրէ ձեր խստութիւնը, այլ-
ևս ոչ մի ոչ չ'ունենալ նրան դէմ: Մի-
ևնուն և մեր մերժումները ոչ մի ազ-
դեցութիւններ չեն ներգործիլ այդ եր-
կու սիրահարուածներին: Հասկացաք մայ-
րիկ, թէ ինչ խորհուրդների տէր է ձեր
ազջիկը:

—Այո, հասկացայ, պատասխանեց
այրին, մի խոր հոգոց անելով, ես դեռ
նոր հասկացայ որ իմ ազջիկը սիրահա-
րուած է եղել, դեռ նոր եմ իմանում,
որ իմ աչքերը բոլորովին փակ են եղել
իմ ազջիկայ դէմ: Ուրեմն, նա ոչ թէ ու-
սումնարան է դնացել, այլ սիրահարա-

կան շրջանի մէջ է տատանուել այնպէս չէ, համեստ աղջիկս ասաց ու սարսափելի հայացք ձգեց Նադեաի վերայ:

— Ես քիչ առաջ նախագգուշացրի, որ այլևս ձեր և մեր խստութիւնները ոչոք չեն ունենալ սրանց դէմ, դուք այդ առաջ պէտքէ մտածէիք:

— Առաջ, ես ինչ կարող էի գիտենալ որ իմ աղջիկը սիրական է գտնում:

— Ոչ, այդ ձեր հոգեկան պարտականութիւնն է, դուք մայր էք, անշուշտ պէտքէր հետաքրքրուած լինէիք ձեր աղջկայ կեանքին:

— Ես հաւատացնում եմ, մեր դրացուհիները մէջ ոչ ոք այնքան խիստ չի վարուում իւր որդկերանց հետ որքան ես սորա:

— Այդ աւելի վատ, ասաց քահանան:

— Մի օր ինձ պատմեցին թէ, Նադեան բաւականի ծուլութիւններ է անում: Բարկութիւնիցս այն աստիճանի ծեծեցի, որ երեք օր ուսումնարան չ'կարողացաւ

գնալ:

— Իսկ դուք, այցելեցիք արդեօք ուսումնարան, օրիորդին նախագգուշացնելուց յետոյ ձեր աղջկայ վարքերը կամ սովորիլը տեղականալու:

— Իմ տնային գործերը այնքան շատ են, որ գրեթէ ամբողջ օրը զբաղուած եմ լինում:

— Ուրեմն ձեզ համար ո՞րն է աւելի թանկ, տնային գործերը, թէ ձեր երեխայոց ուսումը:

— Իհարկէ ուսումը:

— Այո՛ մայրիկ, ուսումը թանկ է աշխարհում ամեն բանից: Ծնողը միշտ և ամենայն քայլերում, պէտքէ վերահասու լինի իր օրիորդի գործերին: Եթէ այն ժամանակ, դուք այցելած լինէիք ուսումնարան և հետաքրքրուած, թէ ինչ է պատճառը, որ ձեր աղջիկը ծուլութիւն է անում, գուցէ մի բան կը հասկանաիք և առաջն կ'առնէիք: Մայրական պարտականութիւնն է, որ միշտ խրատէ

իր գաւակներին, իսկ ոչ միայն ծեծելով,
մագերից քաշքշելով, այլ խոհեմութեամբ,
որ գաւակը կարողանայ իր գաղտնիքնե-
րը պատմել ծնողներին առանց քաշուե-
լու: Ձեր աղջիկը պարտաւորուած պէտ-
քէր ուրիշին յայտներ իր ցաւերը և ու-
րիշներինցն էլ, մխիթարութիւն ստանար:
Գովում եմ ձեր աղջկան, այն փաստի վե-
րաբերմամբ, որ նա մի ուրիշի մօտ չի
գնաց խորհուրդի, այլ ինձ մօտ գալով
ծնկաչոք խնդրում էր, որ վերջ տամ այդ
սարսափելի կեանքին: Այժմ ամեն բան
անցել է, մենք պէտքէ մտածենք, թէ
ինչ միջոցներով բաղդաւորացնենք Նադ-
եային: Ես կարծում եմ, որ դուք ձեր
գասարի գժբաղդութիւնը չէք ցանկալ:

— Ի հարկէ չեմ ցանկալ, բաւակա-
նի ուրախ կըլինեմ, որ իմ աղջիկը աւել
լի փառաւոր բաղդաւորութիւնների տէր
լինէր:

— Ուրեմն յանձնեցէք ձեր աղջկայ
ձեռը, այս երիտասարդին և օրհնեցէք

սրանց:

— Ոչ, դեռ ես պատրաստ չեմ, այդ
օրհնութիւնը, տալու տուէք ինձ իմ աղ-
ջկան մինչև, որ ես պատրաստուեմ:

— Սոքեա Գրիգորեանայ, խօսաց ոս-
տիկանապետը, որը մինչ դեռ լուռ նըս-
տած լսում էր նրանց խօսակցութիւննե-
րը, — համաձայնուեցէք քահանայի առա-
ջարկութիւններին, կատարեցէք նրա խն-
դիրքները: Մենք ցանկանում ենք, որ
այդ ամուսնութիւնը ձեր շնորհիւ լինի,
իսկ ինչ որ մնում է, թէ մենք, ձեզ
ձեր աղջկան տանք առանց անկատար
թողնելու այդ հարցը, բոլորովին անհը-
նարին է:

— Միթէ դուք իմ աղջիկը ինձնից
խլում էք, սոսայ ալրին արտասուենքներ
թփափելով:

— Ոչ տիկին, սխալում էք, ես ձեր
օրիորդին խլել չեմ կամենում, այլ ձեր
աղջկան այսօր, այս երեկոյ, առանց պատ-
ճառների պէտքէ ամուսնացնէք, ահա

այն երիտասարդի հետ, որն կանգնած է նրա մօտ: Գուռք կարող էք ձեր պատրաստութիւնները վաղը կամ միւս օրն էլ կատարել, դրանց ամուսնութիւնից յետոյ: Իսկ ինչ որ մնում է, թէ յետաձգենք այս ամուսնութիւնը, այդ մենք չենք կարող: Այժմ նայեցէք ձեր յարմարութեանը ինչպէս կամենում էք:

Աստիկանապետի վերջին սառը խօսքերը, այն աստիճանի ազդեցին այրի կլնոջը, որ նա հեկեկալով առանց ոչ մի պատասխանի դուրս գնաց քահանայի առանձնասենեակից, սրբելով սւգքերի արտասունքները: Քահանան յետեից նրան հարցնելով, երբ նա կամենում էր սանդուխտներից վայր իջնել:

— Ոչինչ չունէք ասելու:

— Տէրն իրանց հետ, թող ոնց կուգեն այնպէս և ապրեն. ես չեմ ցանկանում, որ իմ աչքը տեսնէ դրանց անժամանակ ամուսնութիւնը: Ասաց Սոֆեա Գրիգորեանան ու հեռացաւ:

2.

Լուսինը պարզ լուսաւորում էր երկնքից: Նրա կաթնանման արտայայտութիւնը, բերկրացնում էր քաղաքի բնակիչների սրտերը: Յերեկուայ արևի այրող ճառագայթներից ազատուել էր բնութիւնը:

Մարդիք, թարմ օդ ծծելու համար զբօսնում էին ծովի ափերում կամ քաղաքական այգում: Սոֆեա Գրիգորեանաի դրացուհիները ևս նստոտել էին սրահի մեծ դռան առաջ, պարզ ու սիրուն լուսնեակի հովանաւորութեան ներքոյ:

— Այս գիշեր Ս. Գրիգորեանան հիւրասիրելու է իւր աղջկան ու փեսային, խօսաց դրացուհիներից մէկը, խանգարելով միւսներին լուութիւնները:

— Երևի հասկացել է իր սխալները և մեղանչելով հաշտուել է նրանց հետ, պատասխանեց երկրորդը:

— Բայց ինչով է սխալ մայրը, խօ-

սաց երբորդը:

— Այո մեղաւորը նա է, որ իր աղ-
ջիկը թողեց ուսումը, ասաց երկրորդ
գրացուհին:

— Բայց չէ որ մայրը սարսափելի
խիստ կին է:

— Այդ հարց չէ, որ ծեծում էր իր
աղջկան և բոլորին յայտնում էր աղ-
ջկայ սխալները: Մայրը միշտ պէտքէ
հսկէ իւր աղջկայ վերայ, ոչ թէ խըս-
տութեամբ, ծեծելով ու զանազան տե-
սակ հայհոյանքներ տալով, այլ խոհե-
մութեամբ ու պարկեշտութեամբ պէտ-
քէ կեանք ունենայ իր մատաղ ժառան-
գների հետ: Նազեանին գիւր էր եկել
միւսնոյն երիտասարդը, բայց նա իհարկէ
չորոշեց թողնել ուսումը այլ ձեռք բե-
րել ամուսնութիւնը: Ոչ, նա սկզբում
համակրել է երիտասարդին, յետոյ փոքր
առ փոքր աւելացել է այդ համակրու-
թիւնները և գոյացել է մի անտանելի
սէր: Նազեան կարող էր թքել ու հե-

ռանալ այդ համակրութիւններից, եթէ
ներա մայրը, լինէր համբերող և խոհե-
մութեան տէր: Այլին չափազանց բա-
րոյականութիւն սիրող կին է, առաւել
կասկածաւոր: Բարոյականութիւնը պաշ-
տպանելու համար, նա այդպէս սաստում
էր իր ուսանող երիտասարդ աղջկան, որ
ամեն մի կերպ պատիւ ու համեստու-
թիւն պահպանէ: Բայց այդ խեղճ կինը
չգիտէր թէ սաստելով կամ ծեծելով ա-
ւելի ու աւելի իր դստրի աչքերը գող-
կըղարձնէր: Նազեան իւր աչքերը դար-
ձրեց այս ու այն կողմը, որ գտնէ մէկը,
պատմէ նրան իր ցաւերը, իր հարազատ
մօր անվայել վարվողութիւնները: Նա
զրջեց աչքերը և յաջողուեց նրան. գտաւ
մի գեղեցիկ երիտասարդ ու ամեն մի
կերպ ջանք դրաւ ու աշխատեց, որ բո-
լորովին գրաւէ միւսնոյն սերտը: Երիտա-
սարդը լսում ու տեսնում էր իր սիրու-
հու գանգատները ու յաճախակի արտա-
սուենքները: Նա աւելի գրանով ամբաց-

նում էր ու հիմնաւորում այդ սէրու-
թեան արմատը: Բայց ոչ, սիրելի դրա-
ցուհիներս, այդ չէ մայրական պարտա-
կանութիւնները: Մայրը որքան, որ
խիստ է, մի քանի անգամ աւել, պէտ-
քէ ներողամիտ լինի: Իւրաքանչիւր մայ-
րը պէտքէ հասկանայ, որ ծեծելով ու
հայհոյելով երբէք չեն կարող ուղղել
իւրեանց զաւակների սխալները: Օրինակ
ունիք ուսանող պատանիներ և երիտա-
սարգներ, եթէ նորանք չեն սովորում
իրանց պատուիրած դասերը, դուք չը
պէտքէ ծեծելով հրամայէք նրանց, որ
կատարեն իրանց պարտքերը, այլ որքան
կարելի է համեստութեամբ և խրատնե-
րով պէտքէ վարուէք այդ կակուղ մո-
մերի հետ: Երբ դուք այդպիսի վարու-
ղութիւններ կունենաք ու կը հասկացնէք
ձեր ժառանգներին թէ ինչ է նշանա-
կում ջանասիրութիւնը և աշխատասիրու-
թիւնը, թէ ինչպիսի պարզ ու սքանչելի
տպաւորութիւնները կը թողնեն ծնողնե-

րի վերայ, երբ տարուայ վերջերում կը
ստանան ուսուցիչներից գոհութիւններ
ու կը տեղափոխուեն բարձր դասարաններ:
Չ'պէտքէ ձանձրանալ երեխայից, եթէ
նա միանգամից չի սովորում ձեր ասած-
ները: պէտքէ ասել մէկ, երկու և տաս-
նեակներ մինչև որ կարողանաք երեխա-
լի խելքի մէջ մտցնել ամուր ձեր ասած-
ները և ձեր դիտաւորութիւնները:

Պէտքէ անմիջապէս ըմբռնեցնել ե-
րեխայի ուղեղի մէջ, թէ ինչ է նշանա-
կում, կամ ինչ ապագաներ ունին ծու-
լութիւնները: Սակայն երբ երեխան հաս-
կանում է և միշտ իր ծնողներից լսում
է միւլենոյն բառերը, աշխատասիրութեան
և ծուլութեան մասին, այն ժամանակ
այդ փոքրիկների խելքի և ուղեղի
մէջ մտնում է մի մեծ և չափազանց
արմատներով առաքինութիւն: Առաքի-
նութիւնը կանաչում է ու սկսում է
ծաղկել անոյշ հոտ տարածել և ճիւղեր
արձակել: Այդպիսով երեխան մեծանում

է առաքինութեան հետ միասին ու ապագայում դառնում է առաքինի երկտասարդ: Այն, պէտքէ հաստատ իմանալ, որ ուսանողներին այնքան չեն ազգում ուսումնարանի ուսուցիչները, որքան, որ հարագատ մայրերը: Մայրն է երեխայոց բաղին ու թշուառութիւնը: Բայց ինչպիսի մայր, մի այնպիսին, որ կատարեալ մայրութիւն գիտէ, դա և կախուած է դարձեալ ուսումից ու կրթութիւնից: Եթէ Նադեաի մայրն էլ կրթուած լինէր ուսուման մէջ, նա երբէք չէր տեսնիլ իր սիրուն աղջկան թերի թողած լոյս ճանապարհ, ընդունած խաւարը կամ ամուսնութեան տանջեցնող կեանքը: Ամուսնութիւնը միշտ ձեռք բերել կարող էր, իսկ ուսումը որն երկու տարուց յետոյ պէտքէ աւարտեր, և ո՞վ գիտէ, թէ ինչ հրաշալի պատուի տէր կը դառանար նա, այլևս աւանդ: Ահա իմ կարծիքներս, յարգելի քոյրեր:

— Ահա գալիս են, ասաց դրացու-

հիներեց մէկը, կտրելով երկրորդի խօսքերը:

Դրացուհիներն բոլորն նայեց այն կողմը որտեղից երևում էին Նադեան և իր ամուսինը:

Երկրորդ կինը տեղից վերկենալով բարի գիշեր մողթեց մնացեալներին կամենում էր հեռանալ: Մնացած երեք դրացուհիները խնդրեցին երկրորդից, որ դեռ փոքր ինչ ևս շարունակէ իր խօսակցութիւնը:

— Ոչ այլևս չեմ կամենում այստեղ նստել, ասաց ու հեռացաւ:

— Չորս ամսուայ ամուսնացած աղջիկը դեռ նոր է այցելում իր մօրը, խօսաց կանայքից մէկը, նորեկների անյայտանալուց յետոյ:

Լսելով, որ Նադեան բաւականապէս ավտոսել է իր սրբատ ուսումը, ասաց մի ուրիշը:

— Այսուհետև որքան որ կուզէ թող ավտոսէ պատասխանեց երրորդը:

—Ահա մի անմիտ աղջիկ, որը թո-
յեց այն սքանչելի իմաստութեան, իս-
կական աղբիւրը ու վագեց ընկաւ օ-
մուննութեան գիրկը: Վերջաբանութիւն
տալով բոլորի խօսքերին, ասաց ու հե-
ռացաւ չորրորդ դրացուհին սրահի դռ-
նից: Բոպէական լուսթիւններէց յետոյ,
հեռացան և մնացեալ երկու կանայքը:

Վ Ե Ր Ջ.



ԾԱՆՈԹՈՒԹԻՒՆ

Յարգելի ընթերցողների ներողա-
մտութիւնն եմ հայցում գրքոյկիս մէջ
պատահող մի քանի տպագրական սխալ-
ների համար, 'ի նկատի ունենալով գոր-
ծի անփորձութիւնը:

Պ. Ղ. Թ.

ՀԱՅԿԱՍՏԱՆԻ ԿՈՆՍՏԱՆՍՆԱԿԱՆ ԳՐԱԴԱՐԱՆ

ՄԱՐԿԱԿՈՒՆԻ ԳՐԱԿԱՆՈՒՄԻ ԿՈՄԻՏԵ
ԿՈՆՍՏԱՆՍՆԱԿԱՆ ԳՐԱԴԱՐԱՆ
ՀԱՅԿԱՍՏԱՆԻ ԿՈՆՍՏԱՆՍՆԱԿԱՆ ԳՐԱԴԱՐԱՆ
ԿՈՆՍՏԱՆՍՆԱԿԱՆ ԳՐԱԴԱՐԱՆ
ՀԱՅԿԱՍՏԱՆԻ ԿՈՆՍՏԱՆՍՆԱԿԱՆ ԳՐԱԴԱՐԱՆ

1911 թ.



ՀՀ Ազգային գրադարան



NL0339942

31924

